





選

竹堂類稿卷十二



七言律詩四

庚午元旦

飲罷醱酥意。悠然平生行止總隨緣。於菟從政曾  
三仕。伯玉知非又五年。積雪農家占歲熟。新晴天  
氣得春先。老夫未讀書。猶廣賸取聰明更著鞭。

送夢芝隨高中丞之皖

廿年似影不離身。一旦驪歌逐去塵。從我移家胥  
水上。送卿問道皖江濱。龍媒骨自超凡馬。燕子心  
常戀故人聚散隨。緣休執著絮飛萍。住總非真



題滕澍蒼課孫圖

柏臺有樹聽鳴禽其下賢人抱膝吟教孝教忠名  
世業讀書讀律致君心甘分一味將娛老學課三  
餘自惜陰德似耳鳴人亦識訟庭無訟落花深

寄居孫氏一榭園奉懷主人淵如觀察

蒼苔門巷少人經偶為尋春向此停萬卷縱橫池  
北庫雙鬢鼓吹竹西亭三篙碧水縈衣帶一桁青  
山入鏡屏願與興公結隣住移文先寄草堂靈

拜于忠肅公墓

蕭蕭邛隴碧山阿史冊然疑論或訛叔武立因全

衛國韓擒死定作閻羅杭人祀公為城隍神青宮調護談非

易黃屋安危計若何禍起宮鄰終古恨辨誣奚止

痛金陀

題杜素芬憐影圖即和卷中自題詩韻

芙蓉江上耐清寒艷影亭亭鏡裏看絮定不隨風

上下花嬌幸免雪彫殘粉侯游戲成三絕謂伯瓊

姊分飛是二難謂晚蘭回首曲中諸采伴玉壺紅

淚幾人乾

明周忠毅公王印為廉堂少宰賦

公名宗建天啟朝官御史以劾魏璫死於



詔獄此印蒼玉獅紐高一寸四方六分文  
曰季侯公字也柳葉朱文

先正明清誓守官觸邪不負惠文冠窮泉葬血千  
年碧密印傳心一寸丹合浦携歸珠並反印亡已  
久近日  
少宰之弟雲蟾  
在嶺南得之崑岡焚過玉仍完故家留得忠臣  
樣好付雲初百代看

韓雲溪登岱圖

自別齊州星四改披圖重覩舊山川峰留魯叟登  
高迹樹紀秦皇拜爵年滄海無邊看浴日青雲有  
路欲捫天向禽百慮消除淨尚賸平生五岳緣

選

和林和靖小隱之作

華髮初生半百年幽居心愛在山泉媿無籌策能  
匡俗聊閉柴荆學避賢峰繞一樓青杏靄庭留十  
竹碧新鮮還憎城闕惹塵近時上西湖釣月船

春郊踏青過結草菴

快雨初晴百卉芳閒携童冠蹋春陽經過柳市風  
尤軟歸去桃源日正長貧女賣珠猶待價仙人煮  
石未傳方朱櫻綠筍無消息珍重僧厨粥飯香

采石山和林處士韻

萬木蒼蒼帶夕曛翠螺終古枕江濱谷音響答皆

選



成籟嵐氣晴蒸欲化雲志恠聊憑犀作照忘機直  
與鷺為羣平湖一曲梅千樹遙憶孤山處士墳

太白樓

河岳英靈應運生李侯佳句最知名醉叨天子調  
羹賜狂逐江斐捉月行讀畫更推蕭尺木品詩兼  
愛謝宣城諸公零落人間世此後風騷孰主盟

林和靖有深居雜興詩十章愛其閒適依韻

和之

山家烟火日蕭然煮韭烹葵當擊鮮鶴與琴書成  
伴侶竹因花月共嬋娟三生石繡莓苔迹八難爐

選

蒸楮拙烟椿壽菌殤隨物化逍遙擬續漆園篇

銅山金穴苦嫌腥仰看焦明入杳冥泉石一區容  
我老風塵雙眼為誰青襄陽自著山林集笠澤魚

傳耒耜經更愛顏公有家法一篇遺誥在門庭

不煩袞鉞辨賢奸自守箴瓢樂鑄顏畊笠每衝春

雨出釣船常趁夕陽還野多滯穗翔禽下巷少停

車守犬閑是處閉門塵境絕何須滄海問神山

七里桐江繞釣臺卜鄰有願乏良媒竹能醫俗神

仙餌梅解和羹宰相才孺癡道真文自壽屏除機

事禍無胎草堂猿鶴終相守不放鳴騶入谷來

選



選

選

敦經說史吾成癖旁涉丹經及梵函深巷時來載  
 酒客幽棲如傍積書巖呼魚游泳分鱒鯉種樹葱  
 籠雜檜杉却慕茗溪風景好戲題桑苧作頭銜  
 山林妄說布衣尊此語人云我亦云龍韞躋虛尋  
 橘叟桃符辟惡訪桐君蓮開白社叅新義瓜種青  
 門紀舊勛班范文章姚宋業古今陳迹總浮雲  
 神武歸來便解巾不關貧病故吟呻園公去國仍  
 憂主巢父逢時亦避人無術駐顏鬚鬢改有詩言  
 志性情真山花山鳥皆吾友共享雲林無盡春  
 山池五畝趣多快營構無煩問藻蕪花發米囊紅

選

選

滿徑草生書帶碧侵簾于茅幸免秋風敗因樹聊  
 消夏日炎野老四時行樂慣烟霞滋味幾曾厭  
 自哂曇章悟六如雞鳴風雨守窮廬違時甘作孤  
 生竹結習真同老蠹魚轉眼事忘憂患減知心人  
 少唱酬踈閉門重理經生業惠子藏書富五車  
 阮公嗜酒自沈淪此意誰分幻與真醉裏歡情聊  
 玩世狂來險語忽驚人癡雲出岫終無著老樹留  
 花別有春仕宦固佳耕亦好力田孝弟是良民  
 游石屋洞留贈聖庵上人時上人方讀啟世

經



不學楞嚴十種仙。須彌直到最高巔。石為露柱皆能語。風轉金輪豈得堅。世出世間空說法。想非想外更尋天。何因慈氏重多事。又結當來未了緣。

曹友梅山水畫卷為沈綺雲題

綺雲友梅之女壻

曹霸丹青遠擅場。劉家小妹乍扶牀。楹書欲付童牙守。策先占娣袂。良一幅雲山同蘊藉。兩家冰玉共芬芳。鷗波夫婦神仙侶。鄭重裝池付粉郎。

謂結

甫暢

寒石上人歸吳中吾與菴賦此奉寄

公辭方丈我辭官。嬾散貪閒總一般。百歲盡時何

選

物在萬緣空。後此心安須知法界同。毫末奚取機鋒在。舌端放倒刹竿燒。却佛世緣一切當魔看。

陳笠颿同年移任江西布政使賦此送別

西川東海兩同官。聯袂倚裳念古歡。花命升沈終有定。萍踪離合總無端。交遊自惜停雲遠。仕宦原知畫錦難。折取一枝梅贈別。祝君同此耐清寒。

題長江放櫂圖為陳生兆元作

金焦清霽海潮平。萬里乘風第一程。江上綠分山幾疊。雲中紅露塔孤撐。登樓我尚同王粲。擊楫君應羨祖生。花月秦淮春正好。倚欄日日望行旌。



選

金陵隱仙菴有古梅一株相傳齊梁舊物也

春分始花即事成詠

芳華千歲故依然地近金壇古洞天此處風光偏  
晚晚舊時月色尚嬋娟紅羊劫後春常駐翠羽聲  
中夢欲僊任道根枝頑似鐵品題終在百花先

送尹蕉園方伯入都述職

漢室金張是世鄉三年屏翰福星明相逢傾蓋論  
心久此去朝天報政成吳語妖浮原積習丙侯寬  
大見平生繡衣但祝公歸早旌節花開一路迎

戲作藏頭詩

廿年仕宦苦風塵鹿鹿簪裾跡已陳東海釣鼇曾  
待賈西山携鶴好尋春人間散木材終棄世外浮  
雲味最真八座三公何所取一厘且自息勞薪

沈古心松間對酒遺像

世人多壽即神仙對酒何須問聖賢幸有松風清  
俗耳終無藥草駐顏年幽棲享盡平生福淨業應  
歸兜率天不及識公真面目我非生晚為緣慳

壬申除夕

堂堂歲月住山林漸見霜華向鬢侵身外一琴常  
在御宅邊五柳始成陰也燒爆竹祛窮鬼自祭詩



篇慰苦心却笑燈前小兒女乍歸猶未習鄉音

癸酉元旦

老至携家竟入林肯容世慮久相侵無官自比魚  
歸壑有子何嫌鶴在陰學佛非為求福計健忘不  
廢讀書心閒門賀歲人來少靜聽園禽弄好音

寒石和尚七十壽言

靈山何處問宗風前是林公後是公法性證明三  
寶下詩名合附九僧中心同指月光常滿面喻觀  
河壽不窮休道年華古稀有文殊得果尚稱童

和寒石和尚七十自壽詩

閒裏吟詩倚瘦藤靜中起定對明燈悟時寶向龍  
宮得迷處車探鼠穴乘六識心生降伏久四分律  
在受持能我從聽法猊牀下早作人間有髮僧

奉題明虞部郎葉天寥先生戴笠像卷

古來列宿應郎官何事圖中戴笠看陶令生涯原  
落寞蘇公丰骨最清寒高山仰止傳聞久滄海橫  
流出處難莫怪風儀野人似早從神武掛朝冠

食瓜偶成

種瓜老叟不憂貧滿擔團樂露氣新市上舉肥嗤  
俗士座中感舊痛賢人青門怕說封侯事碧玉仍

選



選

留待字身一味清涼除熱惱讀書還可鎮心神

山居十五詠

鶴壽山堂

茅堂新築小山幽此日歸潛願始酬宦拙早同黃  
鵠舉心閒久為白雲留簾中絲竹供行樂壁上川  
原當卧遊清俸寫成書萬本傳家端不羨封侯

獨學廬

門因謝客晝常關孤陋無聞亦等閒當世何人知  
畏壘著書曾夢到鄉環學成隱几師南郭草就移  
文付北山解讀離騷能飲酒此心常在聖賢間

舒詠齋

文章結習我生初坐擁琳瑯向此居上客設經爭  
奪席後生問字輒停車何緣豪傑思投筆始信神  
仙愛讀書珍重河間獻王蹟常留光寵在蓬廬

成親王  
所題

晚香樓

男兒墜地萬緣牽草草勞人五十年識破浮生同  
旅寄營成樂國號梯仙妄思壽世留詩草稍喜傳  
家有硯田一壑一邱天許我梅花看到菊花天

五柳園

選

選



小築衡茅為養真百年喬木狀輪囷。公因樹先  
成屋陶令歸田且卜鄰黃犬衛人常警夜倉庚求  
友自鳴春却嫌車馬門前客偏向花源數問津

花間草堂

學築盧鴻舊草堂階前桃李儼成行春歸楊柳風  
三面秋到蕪葭水一方社後烏衣猶葺壘曲終紅  
豆自盈箱紙屏木榻香山樣不假莊嚴七寶裝

滌山潭

閒坐苔磯理釣綸芳潭春到綠生鱗滌洄恰映三  
分行清淨寧沾一點塵依草落花無定相化萍飛

選

絮識前因衡門自足洋洋樂肯向河干更伐輪

微波榭

幽室如巢楊柳陰每逢避暑一登臨出泥花有起  
塵相在沼魚無上竹心鍾子審音調白雪浪仙得  
句鑄黃金蕪葭秋水分明是欲問靈修路轉深

花韻菴

蕭齋十笏向陽開叢桂連蜷手自栽曾在玉堂呼  
供奉又將金粟謚如來清言對客揮松塵綺語移  
人費麝煤老學維摩常宴坐不知天女散花回

夢蝶齋

選

選



斗大新齋號小眠一場春夢笑當年卧遊疑在和  
神國定起無忘化樂天每患花迷妨入道不須羽  
化便登仙靈光養得心同月肯為香薰又破禪

瑤華閣

璪窓高啟竹西偏六尺匡牀適小眠三面疎櫺花  
作幃一區芳草石如拳曾聞樂府歌瓊樹又說仙  
人耨玉田不及羅浮清夢穩舊時月色對嬋娟

歸雲洞

一片雲飛六合間不成霖雨且歸山幾看變化同  
蒼狗稍喜逍遙伴白鷗有路通時花氣度無人行

選

處蘚痕斑經營好作藏書洞分付龍威謹閉關

卧雲精舍

洞天常閉古藤陰幽境還須掃葉尋黏紙壁間成  
雪竇安絃石上作風琴擁花不覺衣裳冷對月翻  
嫌院宇深敢道商聲出金石偶因懷古一長吟

連理桑

墻下柔桑勢屈蟠結成穠綠覆簷端枝生連理逢  
時瑞根遠周行擇地寬食甚有懷賡魯頌原蠶何  
事禁周官閑閑十畝吾非侶試作幽風畫裏看

在山泉



貪廉何苦妄爭名。水在山中性自清。顏子一瓢知  
道味。蘇公萬斛喻文情。養花有術能薰髓。潤物無  
功且濯纓。願與堯民同飲此。耕田擊壤過今生。

喜同年張船山太守卜居吳門

釋褐升朝二十春。與君衆裏最相親。暫游吳市花  
驚目。並坐蕭齋酒入脣。醉對雞豚呼佛子。狂將奴  
僕命。騷人夢中忽有神。來告決計辭官作逸民。

答張蒔塘大尹

坐看富貴逼人忙。始覺山林日月長。摩詰幽栖名  
竹里。仲卿遺愛在桐鄉。傳家蠹簡糜清俸。醫國龍

宮授禁方。仰屋不知問生產。近聞門戶付諸郎。

隨園看牡丹追懷簡齋先生二首

妙相莊嚴若自持。蒼靈雨露豈無私。玉樓名好春  
何晚。金屋粧殘寵欲移。紅葯心甘充近侍。黃花生  
恨不同時。禮華特出羣芳上。不許尋常蜂蝶知。  
繡幕金鈴謹護持。主人愛養若為私。倚欄不覺天  
香發。張蓋頻隨日色移。地僻自含山澤氣。歲深看  
到子孫時。謫仙草就清平曲。小技曾邀國士知。

題孫淵如畫真

宦海抽身世幾人。使君與我竟全真。名山歲月原



選

無盡壽者鬚眉別有神每做園林同嘯傲更容兒  
女附婚姻相期不問人間事但向清時作幸民

暮秋感事五首

老至光陰料有涯百憂無策可安排尸居甘作麒  
麟楨肉食偏持玳瑁齋老馬虺隤依棧豆舊人零  
落念著釵忽聞蟻賊驚三輔獨立西風一愴懷  
帝澤如春徧兆民何緣灾祲歲相因頻年泮水漂  
南國一夕妖星孛北辰幸仗銀槍克宿衛那知金  
虎在宮鄰諸公久享昇平福早定訂謨答  
聖人

奸民林清謀叛其黨  
直入禁庭奄人有  
為之耳目者

賊犯山東運使劉  
清擊敗之

比戶瘡痍大小東關心常與夢魂通催科吏報田  
多稼保障人忘莽伏戎共道穿墉多黠鼠却憐鳴  
澤有哀鴻談兵但說劉中壘聊藉蒼頭奮擊功  
秦楚烽烟靖十秋倏驚枉矢又西流潢池有寇探  
丸起帷幄何人借箸謀平行地應先辟壘拍張士  
可換兜鍪匣中繡澀吳鉤冷卧看招搖詠四愁  
天心人事兩悠悠有客言愁我亦愁門外裴休思  
作佛帳中李賀夢封侯探丸斫吏成兒戲杖策臨  
戎聚道謀草野屢聞哀痛  
詔封疆誰解



廟堂憂

送周廉堂大司空入都

司空拜命轉朝端。暫駐征驂慰古歡。課士共傳文似錦。逢人常覺臭如蘭。青雲故舊中年少。白首分離後會難。要識潛夫今伏處。怒無消息到長安。

晚香樓守歲作

神武歸來久。乞骸幽居謝客閒。蕭齋扶牀笑說嬰兒長。解竈憐無老婦偕。鵲語報人新歲喜。梅花助我小園佳。側聞河朔烽烟淨。手酌屠蘇一放懷。

菊溪相公遣人饋歲賦詩寄謝二首

選

選

昨歲烽烟起。定陶相公持節自賢勞。策勲剖竹登麟閣。愛士頒金到馬曹。料敵頻揮諸葛筆。誅奸親試呂虔刀。近聞露布傳河朔。想與三軍解戰袍。軍中籌策想勞神。尚折疏麻遠饋貧。捆載重煩千里騎。臚陳頓助一家春。師貞早聽鏡歌奏。才大仍調玉燭新聞道。八驕將述職冠公。終乞借吳民。春中得朱晉階中丞陝中消息書以志事

終南山色翠如屏。神寶能消殺氣腥。驛信到時梅蓋白。征夫行處柳條青。中丞畫戟新開府。諸將雲臺舊勒銘。軍政由來威克愛。勿容鼠雀更逃刑。



默堂小飲既醉秉燭夜歸

携筇閒訪習家池大小游仙寄所思深巷綠莎花  
下。屐畫屏紅豆酒邊詞傷離不忍攀楊柳垂老何  
心食蛤蜊惆悵玉梅漸零落我猶曾及未開時

樂餘老人八十壽詩

又對南山頌有臺卅年杖履數追陪身傳抱朴延  
齡術家有庭堅蓮種才。謂禹三冠積善自能徵五福  
放生魚可避三灾仲春逢閏天增壽佇看  
恩光日下來

春日招蕙山小飲以詩代簡

是歲司寇請假  
南歸為翁稱慶

燕居無客可招携報罷晨雞又午雞月到柳梢如  
有約詩留竹上半無題元卿開徑花頻掃列子連  
牆酒自提新綠四圍成帳幄早來並坐聽黃鸝

假館孫氏五松園和唐陶山太守題壁詩韻

三首

宦海無邊各引身巖居風景四時新地當鍾阜多  
林壑客就龐公忘主賓金谷園中閒歲月玉堂天  
上舊星辰萬間容得寰區士何況梁鴻是故人  
蕭齋如坐古香林游嶽何須學向禽燕子定巢原  
旅寄鼠姑拂檻又春深松間風響能清耳嶺上雲



歸自息心猿鶴同盟應共守不容俗士更相尋  
草堂無異綠莎廳偶爾因緣此暫停設棘安籬成  
小隱菰花蔣竹夾長汀也隨農圃營生計聊假琴  
書淪性靈誰道戴筐皆將相其中今有少微星

謝客

當歌對酒儘盤桓無奈衰年意興闌豈有公卿能  
脫畧况逢絲竹動悲歡迷離倦眼看花嬾零落殘  
牙食肉難惟愛山厨蔬筍味養生真率易加餐

初夏歸家

一聲鶻語噪簷牙稚子迎門喚阿爺桃萼絢春餘

選

選

綠葉菜根藻夏作黃花鴻都人去空留藥龍井僧  
來特餉茶笑我故園翻似客年年踪跡寄天涯

庭前牡丹盛開

百寶欄前風日清一叢紅豔翬羣英玉樓共識非  
凡品金屋深藏過此生俄頃繁華原似夢當時顏  
色獨傾城錦幃翠被空相擬都恐燕支畫不成

悼船山同年三首

靈運生天竟我先空傳詩卷五千篇世間緣盡應  
分手地下和孰比肩肆志英雄都縱酒慧心文  
字總通禪清談從此無人會每拊流波輒泣然

圭峯禪師指庭  
前牡丹曰世人視  
此花如夢



張守萊州與藩司  
朱錫爵不協引疾  
去官未久朱以罪  
戍邊

才似張衡信絕倫即論為政亦超塵幽蘭竟作當  
門草老桂終成抱火薪直道不容寧悔拙急流能  
退已如神

君恩祖德皆難負何苦脂韋誤四民

與君離合太無端坐看榮枯到蓋棺八口零丁歸  
未得一官落拓棄非難中郎有女終誰適伯道無  
兒死更安今日寢門將卒哭此生何地再追歡

楊雪湖先生遺像

先生名秋字碩父  
瞿稼軒之客也

桂林烽火接南邕將相艱危百戰中憂患餘生忘  
主客神仙結習本英雄西臺慟哭吟詩苦東海逃

名歎道窮不與令威同化鶴天留遺老說孤忠

邗上贈龔平甫即題畫像

傾蓋相逢見性情廿年湖海舊知名班超用世方  
投筆賈誼匡時正獵纓疊石菡花成小築引杯看  
劍磬平生凌烟畫像尋常事萬卷先教傲百城

廖復堂轉運新築歸鶴亭賦詩落之

偶向蓬壺汗漫行歸來仍對主人鳴堂前燕賀新  
居好江上鷗聯舊日盟趙抃當官琴共載鮑昭拈  
韻賦先成羽毛自愛平生志回首雲霄萬里情

張友樵六十壽言



衡門東接鄭公廬。三世相依比屋居。愛古自成名  
世業尊生兼習活。人書淮王煉藥升。雞犬揚子雕  
蟲辨虎魚綠鬢交游到。黃髮杖鄉先我一年餘。

秋興八首和少陵韻

悲哉秋氣滿園林。頌到金天意鬱森。屈子卜居行  
澤畔。王家誓墓住山陰。觀河自惜將衰齒。匪石能  
持不轉心。江北江南衣帶隔。百端愁緒觸鳴砧。  
素屏圍菊影橫斜。一種芬芳殿歲華。詩瘦欲追丹  
篆客。酒行更勸碧山槎。江間夜色催征櫂。城上秋  
聲入戍笳。塵世榮枯忘已久。宵燈何事忽生花。

山中百草戀春暉。推測機祥到少微。晉國五蛇升  
復墜。宋郊六鷁退。仍飛萬言經世心。常在一畫先  
天道。不違束髮本無溫飽志。肯從華膺鬥甘肥。  
疎簾有客坐圍棋。勝敗循環意可悲。老子踞觚常  
獨笑。野人爭席已多時。守株待兔謀方秘。見彈求  
鶚慮尚遲。欲向楸枰分黑白。當師行父再三思。  
中年解組便歸山。回首功名顯晦間。一障乘邊通  
蜀道。二陵守險在秦關。豈無鐘鼎醉韓范。那有箠  
瓢樂孔顏。誰道書生多落拓。幾人珥筆陟華班。  
浮家來去大江頭。雙鬢蕭疎對晚秋。聊假蠹編銷



選

壯志偶持醇酒。被清愁一枝易息。啁啾雀萬里難馴。浩蕩鷗淪落天涯。誰比似青衫紅淚老江州。清商擘斂。告成功萬寶盈虛。視此中碩鼠在郊。夸樂土哀鴻滿澤。哭秋風衣穿八襪。霜初白竈冷三隅。火不紅共道救荒無善策。采詩應問石壕翁。淮南江北路逶迤。銷盡錢刀。彼澤陂貉聚一邱。真有類烏飛三匝。已無枝荒唐海客虛成市。耿介山靈自勒移。廣廈萬間原不易。書生大願只空垂。

和菊溪相公瓜步舟中之作二首

筮逆龜從孰是非。哲人言出繫樞機。浮雲萬變終

時吳中歲浸而權巡  
撫初彭齡極力催征  
議改歲底奏銷之  
例余方佐菊翁幕  
設法阻之

選

無定窮鳥三年倦。末飛比屋蕭條逢歲稔。當官憂患在民依。石壕猶有催租吏。雞犬搜牢未肯歸。古賢五十早知非。四海勞薪願息機。赤子豈忘慈母愛。白雲只近故山飛。平湖水靜魚常樂。喬木陰多鳥自依。却為魯人苛似虎。斯民齊向召公歸。

讀彭甘亭廢畦斷橋二詩感而賦之

蓼辛荼苦境全空。一片寒蕪夕照中。舊井禽來招不下。枯株兔去守無功。瓜當抱蔓通侯死。菜欲尋根計相窮。賸得場師雙鬢白。鷄衣憔悴立秋風。兩厓相望阻長汀。歌柱危欄失舊形。阮籍途窮空

五六皆戒言利苛政



有淚馬卿官貴已無銘。一川寒碧從中瀉。千里飛黃到此停。亭父尚知前度事。畫輪繡幃幾人經。

書逋日積賦此自嘲

朝朝染翰夜燃脂。黃素堆床困不支。倦腕欲師投筆客。癡心翻慕結繩時。中書已禿如毛穎。精衛難填是墨池。但覺日遭需索苦。幾曾狗惠與酬知。

揚州作二首

瓊樹珠簾艷舊聞。風流不見杜司勳。文章江左承三變。賓客淮南貉一羣。公等因人終碌碌。近來餘子益紛紛。梅花嶺上春如海。尊酒先酌閣部墳。

不是笙簫即綺羅。萬家衣食仗熬波。達官對客如鸞傲。游士登門似鯽多。謔笑夏畦逢病鬼。迷離春夢喚癡婆。閉關自作空山想。祇怕荒傖觸熱過。

寄懷么姬

六十年華老病增。有人百事意先承。端他同夢呼么鳳。勸我歸田學季鷹。對酒解調中婦瑟。讀書知續少卿燈。尋常行住如形影。此日孤蓬思不勝。

袁浦除夜作

敝衣破帽忽衝寒。風雪淮陰歲又闌。老至恁恁驚節序。旅居草草到杯盤。椒花有頌懷人遠。葦索無

選

選



時初尚書方与江  
南太史許訟

靈辟鬼難六十平頭良不易一枝桃杖詰朝看  
乙亥元旦

芻尼報喜到簾櫳律轉東風氣漸融爆竹千聲催  
日上雪花六出兆年豐城邊鼓聽回搗好窓下燈  
留禿炷紅寄語故園小兒女早營椒酒候衰翁

會一上人圓寂于鳳巢賦詩哀之

昔從濁水索摩尼十卷楞嚴荷受持此去定登他  
化路當來還證我聞時長空鴈過不留影故紙蜂  
鑽未是癡惆悵達摩回向早迷津欲渡更無師

暮春

上人熟于內典

選

園林春到百花知我欲尋芳已後時無事且從犀  
首飲有情不諱虎頭癡蠶方出繭依殘箔鵲又移  
巢過別枝靜坐山中觀物理身閒始信日遲遲

春日重過一榭園

春風吹綠滿遙岑乘興幽尋到舊林飛燕掠波寧  
有迹繁花當路總無心石頑尚證三生果檀大將  
成十畝陰我似毘耶老居士眼中閱盡去來今

秦淮上巳

簾外盈盈帶水斜新來燕子賀成家堂前欲拜初  
三月坐上同看第一花賸有吟懷方白雪還將笑

五句言頑民無不可感  
化六句言官以寬大為主

選

主



嚼紅霞間身是處堪栖逸何必雲門住若耶

繡球花

初夏園林花信過一株玉樹蔚交柯瓊瑤刻楮差  
相擬蝴蝶成團訝許多內苑賞春真得寶後庭躡  
鞠欲徵歌梨雲梅雪曾同夢寂寞幽人卧澗阿

讀劉文清公集有書齋偶成四律寄情高遠

依韻和之

紙閣蘆簾自靜宜擁書竊比蠹魚癡人因識字憂  
方大聖欲無言意可知蕉萃叢蘭經雪後稼種老  
鶴望雲時江東耆舊風流盡何處揮弦問子期

芒芒赤縣是神州覺海無邊起一漚曲士窗間窺

日出化人天際御風游夢吞丹篆誰相贈水孕元

珠我自求燕說郢書凡幾輩誰從滄海障橫流

兩漢尊經全盛日六官舉典考文時先公定禮偏

多闕少女傳書亦可嗤堂上搢紳歌相鼠軍中鼓

吹吼靈夔請看杞宋無徵後何處尋師問舊儀

新篇吟就寄羊何折柳皇華和者多瓠史未亡應

有述笙詩不補豈成歌幽蘭定入同心賦靈鳥寧

投一日羅後世子雲如可作微詞鄭重託橫波

秋日與姚皖薑沈雪樓兩孝廉王秋濤陳小



松兩茂才暨陸壻卓夫同游興教寺漫題  
方丈

禿髮長眉老比丘十年卓錫在揚州  
六時禪定超三界萬佛莊嚴住一樓  
修行行厨聯白社古墻殘墨畫滄洲  
玉鈎寂寞瓊花死惟有空門歲月道

刻船山詩鈔畢題詩於後

茂陵遺稿歎叢殘手為刪存次第刊名世  
半千知己少寓言十九解人難留侯慕道辭官早  
賈島能詩當佛看料理一編親告真百年心事此時完

追和船山太守自題惜馬圖詩

朱門不許千金市青海曾經百戰來  
敢以識塗矜老大空教伏櫪歎虺隤  
韓盧亦有神仙分黔衛都成令僕才嗟爾  
權奇空自負無人收骨到燕臺

和休園主人自題詩韻

蒼蒼雲樹雜風泉圖畫天然似巨然  
吉慶花飛環坐下聰明鳥語到尊前  
病如鑿齒能安隱老愛舒祺祝象賢  
我亦王官谷中客三休心事情同傳

邗上送蕪山北上

四海人人說項斯老夫傾蓋最先知  
馬卿才調冰壺月叔寶風華玉樹枝  
十笏蕭齋秋夢地三升清



選

酒夜設時長安日近人尤遠此後相逢未可期

六十自壽

六十年華彈指過妄思將壽補蹉跎畏人杜老幽  
栖僻繕性莊生宴坐多當世行藏原自斷力田孝  
弟本同科鬢鬚如雪真天幸幾許英賢鬢未皤  
忽作城南老禿翁一生心事付飄風萬言獻策龍  
樓下百計籌兵虎幄中樑樹不材終似鴈葦茅無  
兆到飛熊姓名屢點山公牘誰信潛夫道已窮  
兩朝知遇

主恩稠地厚天高未得酬此際捫心終負負當時

余在西川治戎五年  
始得移官陝西

余家居金獅巷何  
義門先生曾易  
名經史

騰口太悠悠常看華士爭西笑每見雲將問北游  
壯不如人今老矣齒危髮禿復何求

欲求道听苦無津坐看雙丸若轉輪髀肉復生傷  
往事鬢毛漸改惜餘春不妨磨蝎逢初度止託鷓  
夷作後塵惟有累人衣食計白頭猶未息勞薪

不羨平泉草木新敞廬世守念先人仍將經史名  
吾里聊藉山林託此身堂上瑟調三婦艷畫中花  
駐四時春非才敢道烟霞痼自古神堯有外臣

衆花長養竹平安俛仰山林歲月寬奴解詩書常  
戀主婦能荆布勸休官和神國近遊來便廣樂天



高夢到難人世光陰真似電兩番甲子又重看  
百歲憂歡歷萬千此中不動道心堅蠹魚食字原  
能飽么鳳栖香亦近仙除却性靈皆外物偶然和  
合總前緣斑衣共序天倫樂弱女驕兒滿眼前  
蟋蟀驚人日月除今朝對酒笑顏舒父為文吏曾  
持戟兒是貨郎解讀書平仲舊交投雁雉偃師新  
戲幻龍魚舒祺少小翔風老同向尊前問起居

韓聽秋以天台藤杖見貽賦詩奉謝

客貽靈壽一枝藤老去扶持是可憑某水某山隨  
意往在朝在國待年增端行頤雷誰相責緩步當

車我尚能携取百錢恣幽討逢花遇酒興飛騰

蔣堯農自山東來賦詩為壽依韻奉酬

富貴長生又學仙世間百事那能全但知山水閑  
情好敢道松筠晚節堅捫蝨有心空擊節捕蟬無  
意懶揮絃龍伸護屈看應徧江上微禽獨信天  
功名智勇原無定風雅交游別有神常以靜觀忘  
出處并宜平等視寬親莊生著論先齊物杜尉吟  
詩少替人努力早營歸老計故園松菊尚留春

初冬至天平山看紅葉因訪澄性上人

嶺上鐘鳴嶺外聞尋僧心受戒香薰錦囊詩艷吟



紅葉竹竈茶溫煮白雲緇素皈依支長老丹青圖  
畫李將軍清遊不覺歸來晚一路看山到夕曛

陶雲汀給諫寄示皇華草漫成二律

奚囊詩草錦成堆使者當年蜀道回過主逢時知  
士貴升高能賦見卿才一編珠玉經心出萬里雲  
山放眼開竊喜湖湘采風日先從衆裏識竒林  
揭揭鋒車指大峨時因慷慨託高歌川原登涉皇  
程遠都邑經過戰壘多問俗寶書勤著述愛才珊  
網儘蒐羅此邦悉我曾游地把卷重將倦眼摩

竹堂類稿卷十三

七言律詩五

張耆山主簿乞假寧親賦詩留別和以餞之  
昨因驥子附同舟湖上相逢似舊游九載盍簪驚  
遠別一江歸棹趁清秋蘭能潔養應忘老竹到孤  
生易引愁仲雪伯霜零落盡早營華黍繼崇邱

城南開元寺藏經塲閣

巋然傑閣鎮空門名與靈光一例尊材似棟梁皆  
可廢道因瓦甃竟長存八窓洞達分天界萬卷縱  
橫貯佛言風火有灾都不到此中真可見禪源



選

丙子生朝作

身歷春秋六十周心如槁木更何求榮公老至知  
三樂平子歸來釋四愁靜坐卷簾看落葉醉吟隱  
几對眠鷗獨留一事夸鄉里曾向蓬山兩度游

尤春樊舍人招作東坡生日即事成詠

一鶴南飛曲久傳鬚眉奕奕對賓筵文章獨造華  
嚴海生命偏逢磨蝎年北斗降神終古在東風入  
律得春先是日從來俎豆賢人事携手同登大願  
船

養鶴

選

萬物飛潛無定姿當筵變化等兒嬉回思卧轍心  
常悸修到乘軒骨更奇刀俎推殘終自惜羽毛豐  
滿亦奚為一朝撇却江湖樂坐聽華亭夜唳時

蟹蝶

選

花間遊戲過三春秋水薰葭寄此身園叟夢回空  
栩栩門生議定亦津津草泥郭索思前度繡幃消  
搖屬後塵欲補滕王舊圖譜雙螯持對菊花新

過王叔畦息齋壁間有福兒詩俯同其韻

幽人新築小眠齋水木清華且住佳負米久酬將  
母志杜門欲挂避人牌但從書畫尋生計肯使衣

余罷山東按察使  
仍官翰林編修



冠與俗儕齊物自生濠濮想觀魚常在水之涯

丁丑元日

崢嶸急景暗中催飲到屠蘇最後盃積雪喜徵豐  
歲玉鳴禽齊啁小園梅僧厨早訂尋春約客刺都  
緣問字來猶有平生未除習墻東新築讀書臺

和吳巢松編修題閒雲出岫圖詩即奉餞北

行仍邀黃紹武表弟同作

巖居是處白雲鄉仕宦真如傀儡場三徑未荒陶  
令隱千金已散陸生裝故山林壑栖原好男子桑  
蓬志亦常幼學壯行賢者事豈容安穩住雲岡

蓬山清顯樂依於此去應多讀秘書慧業共知羊

叔子雄文不讓馬相如好遊手蠟登山屐惜別心

隨記里車江左風流王謝重烏衣子弟獨推渠

擬從叨利問天親滿座飛花不著身上衣冠驚

代謝山中風月許常新營成瑞室先招隱巢松築  
室鳳巢

有終馬之志今因赴  
官先送彭甘亭居之畫出香林已逼真觀性上人  
畫鳳巢圖

以訂歸約萬里扶搖須變化浪遊江海是凡鱗

野人投老鬢雙皤汲古猶如指測河心役世間知

道晚身閑方外得朋多每從佛子修長樂偶約風

人稷永和定慧有香心領取奚煩苦行證維那



元夕風雪對酒有作疊歲朝詩韻

銅壺銀箭漏聲催載酒人希自舉杯醯甕香浮登  
碧蟬膽瓶水煖供黃梅不辭蹋雪觀燈去無計披  
雲喚月來安得鄒生吹黍谷名回和氣滿春臺

復翁以元夕詩見示依格和之

雪飛元旦又元宵

原唱句

積悶經旬藉酒消寒勒堂

花春寂寞靜聽卷柝夜迢遙吟牋送和煩郵致游  
履先期折簡邀博塞意錢姑自遣不然佳節太無  
聊

和答朱少仙廣文

盤中首藉有奇香衆裏吟詩亦擅場繞竹共尋揚  
子宅餐花爭和楚人章風迴萍聚朋蹤合火盡薪  
傳士氣昌莫道官閑歸計穩羊裘容易覓嚴光

自題杖鄉圖

野人心性愛林泉暢好風光在眼前解組仍為縫  
掖士歸田又到杖鄉年生來腰腹書難副老去鬚  
眉畫或傳幸得山中閑歲月尋花問竹且隨緣

題黃堯圃祭書圖

愛書成癖祭書虔萬卷琳琅聚一厘自古娜環稱  
福地即今津逮亦良緣端知翰墨通神鬼別有馨



香報聖賢鄴架曹倉同著錄我言過眼總雲烟

蘇公生日集尤春樊舍人齋中

蘇子風流百世傳主人歲歲為開筵吟詩共刻金  
蓮燭載酒同浮藥玉船自古奇才希遇主如公慧  
業定生天坐中賓客經年少感及山陽一黯然

去年

今日有楊甫在座  
近日已歸道山矣

讀史有感

宇宙真如傀儡場榮枯天定敢爭強人言九事八  
為律友有五三人已忘功似蕭何方第一才如李  
廣亦無雙誰將封禪留遺草故把淫辭導漢皇

春日遣懷

一叢綠竹繞茅茨近市譁囂謝不知風弄禽聲頻  
上下日移花影易參差且從物外尋閒寫莫向尊  
前觸酒悲却愛香山老居士暮年心悟六如詞

訪吳玉松太守新居

桐橋小住木蘭槎為訪延陵太守家卷石自存山  
氣象疎櫺不礙月光華綠楊漸老無飛絮紅葯新  
移有怒芽莫訝晏嬰居近市達人心靜絕塵譁

戊寅七月送書院諸生秋試

清時三載一興賢鷗鷺凌霄孰後先竹素共修蛾



選

選

子術槐黃却在虎兒年分棚畫燭文心苦寸紙泥  
金吉語傳誰受老夫舊衣鉢後堂絲竹待彭宣

劉金門以編修奉

召入都寄詩送之

三年邊塞聽雞竿一日除書到澗槃天路再看鳶  
直上山人獨與菊偕寒憂歡歷劫同年少出處分  
途後會難遙想駢駢方戒道苦無尊酒餞江干

德清縣齋示福兒

近水依山斗大城古來政簡自刑清道州不諱催  
科拙定國常思治獄平菊解耐霜超俗艷魚逢止  
水即安生長官清濁行人識要聽輿臺道路評

骨肉分離近四年今宵笑語聚燈前共誇齒髮猶  
如舊自覺聰明不及前三仕早忘文子貴一生常  
羨鄴侯賢老年心厭官衙恩小住無勞數擊鮮

九日登高同蓮孫韻

清遠吳興常夢想老夫今日始來游家臨綠水扁  
舟使人與黃花晚節酬且喜庭闈饒樂事况逢天  
地正清秋祖孫即景成吟什都付奚囊次第收

已卯元旦

飲罷屠蘇最後卮略無他事且吟詩徵歌又到宜  
春令序卦仍居未濟時十四年六新歲吉祥靈鵲報



舊巢安穩拙鳩宜

朝廷方下除租詔令德承宣望所司

壽榕臯潘一丈

錦堂春酒泛椒芳黃閣羣推老鳳皇荆樹有花娛  
晚歲寶田無稅付諸郎西園樹石龍眠李南國衣  
冠馬糞玉清福自來林下好不須更問渭濱璜

送韓桂舫尚書入都

總角交游兩少年幾番離合各華顛解推願大先  
同井慈惠心虔久格天誓墓我將從逸少昌言人  
共拜庭堅自今後會知難定相送臨歧一惘然

夏五過虎邱山塘吳王松同年歸途入報恩

寺訪雪齋上人

青山倒影印澄波兩岍花枝勝綺羅故事尚沿荆  
楚俗幽人愛住考槃阿竹間清楚禪關近水上新  
歌畫舫多同是聲塵相引處此中喧寂問如何

寄謝都門故人

老去深知行路難向西欲笑意先闌想非想外天  
難問才不才問我獨安早識浮生如傀儡更無塵  
夢到邯鄲聚糧三月談何易且對桑榆守澗槃

周笠梅花美人圖



一枝芳樹小窓西。周昉丹青費品題。翠袖忍寒倚  
修竹。金釵防墮露。柔荑騷人不忘。羅浮夢處士常  
耽法喜。妻却憶吾山。香雪裏詠花有侶。手曾携。

園菊初開

蔣菊連畦百種分。誰云陶後愛無聞。每愁老圃英  
華少。却仗奚奴灌溉勤。九日風光添逸興。一年花  
事惜餘芬。秋陽夏雨關心甚。此日持螯當策勛。

習靜

風吹木葉滿林皋。習靜寧嫌境寂寥。蓮漏如年寒  
側側。月華似晝夜迢迢。瓶花列案香飄忽。籠鳥依

窓影動。搖識得此中佳趣。在方知人世太喧囂。

雪中送炭圖

萬頃堆瓊世界寬。有人掃徑問袁安。靈臺削牘方  
陳瑞。官閣圍爐自辟寒。當境交涼應盡歷。此身曲  
直太無端。一堆牛糞山中火。儘有神仙伴嬾殘。

歲暮書懷

南軒三面受斜曛。一叟頽然遠俗氛。客至正逢新  
酒熟。詩成自取妙香熏。老知名相為人累。靜厭聲  
塵。恩我聞安得年年逢閏歲。光陰尤惜是餘分。  
家無擔石不憂貧。尚有琴書伴此身。蕉下鹿為同



選

夢侶水邊梅似獨清人。曾從天祿窺中秘。恥與長  
楊作後塵。却羨太平閑草木。空山長養倍精神。  
冬爐夏笈苦相催。鼎鼎年光去不回。竹勁不甘遭  
雪。鴈鴻飛常若附天來。風中爆竹昇騰速。日下唐  
花次第開。造化弄人纔一霎。不如對景且銜盃。  
飽食猶思博奕賢。儒家經史即為田。衰年筋力難  
成禮。儉歲雞豚不給鮮。蘭亭素心非衆伍。柳含綠  
意得春先。時人但覺芳菲好。榮長還憑造物權。

庚辰元旦

五齡就塾憶前塵。烏兔飛騰六十春。豈有文章能

報國。幸無聲利入迷津。對時且舉中山酒。望古思  
扶大雅輪。遙想兩河諸郡縣。誰為保障救蒸人。去

黃河南北  
兩岍皆決

暮春邀潘理齋員外尤春樊舍人同餞朱虹

舫庶子入都春樊即席成詩因和其韻

偶然開徑招三益。多感延之贈我詩。別路正逢飄  
柳絮。酒籌聊共折花枝。宗生破浪應無敵。平子歸  
田亦可師。恰遇暮春好。天氣舞雩風詠使人思。

中秋夜對月作

叢桂飄香夜未闌。滄溟飛出水精丸。每當圓滿偏



逢蝕自守清虛獨耐寒記得少時隨衆拜行來高  
處任人看曾經七寶裝嚴就萬里光華放眼寬

詠瓶中桂

誰向芳林折一枝黃金如粟影參差清香入座吾  
無隱勁質凌寒衆未知高嶺托生原得地小山招  
隱復何辭淮南大有悲秋士不是賢良上第時

九日漫成

天外商颺忽怒號芳園秋氣亦蕭騷黃花乍吐三  
分艷紫蠟初含一品膏桑落酒香應把盞木棉絮  
暖欲裝袍門前幸少催租吏七字吟成逸興高

和歸佩珊女史九日之作與三松老人同賦  
少年此日每登高筋力今衰氣不豪扶老常須叩  
竹杖畏寒早御木棉袍佩萸勝厭三灾石煮棗香  
生九烈糕一紙新詩探律髓迴殊時手隔靴搔  
鼎鼎年光總有涯閨門風雅興偏賒碧苔儘費吟  
詩紙黃菊爭呼益壽花幸有高賢真賞在豈虞空  
谷德音遐頽齡更要分陰惜莫放飞騰暮景斜

有懷秦易堂先生

世途冷煖總無端大海迴風又起瀾知足幸逃多  
壽辱愛閒常覺徇人難魚思他日竿曾上鶴訝今

選



年雪最寒聞道鍾山秦學士白頭奉邀赴長安

詠晚香玉

蘭芝氣味玉精神肇錫嘉名荷

聖人

此花出自西洋名土秘藏斯聖祖賜名晚香玉

海舶輸將經萬

里禁林培養過三春薰風披拂偏凝雪朗月玲瓏不染塵蒼葡比馨梅比潔谷中衆草總非倫

選

偶成

繞屋粉榆綠蔭穰野翁睡起日高春緝繆育子春巢燕繾綣從王夏屋逢蠶縱使時清比懷葛那能人壽等喬松風花茵涵當前現自分衰孱百事慵

冬日書懷

芳林中構小茅堂天許先生老是鄉自擁詩書娛晚歲每呼燈火續斜陽雲中雁過原無迹雪裏梅開別有香宮府屢頒寬大

詔野人重見古虞唐

看奕寮題壁

方圓動靜耐人思清簟疎簾坐隱時妙手恣恣殊自喜拙工碌碌更非奇幾番危劫心常悸此局全輸悔亦遲萬事毀譽皆不定是中品第最無欺新譜支離舊譜訛終朝飽食待如何千方應變靈



選

機活一著爭先勝莫多都恐爛柯言亦妄終知擔  
糞事同科枰間黑白原無迹但覺輸贏頃刻過

和復翁除夕之作

暮景飛騰幸得閑一聲爆竹報春還  
堯年耕鑿容巢許魯國箴歌樂孔顏  
新酒釀成偏後飲舊詩祭罷又重刪  
僧來預訂明正約欲看梅花早入山

辛巳元旦作是歲為道光元年

聖主龍飛履至尊

詔書四達下求言

青宮早識

吾君子

黃屋初頒大賚恩六寓謳歌今日事

三朝耆舊幾人存有懷獻曝陳無路獨倚閒門自  
負暄

詠糕元寶戲同時塘作

黃白家傳造作精一時粟死便金生問名翻恐題  
糕誤觀象初疑點石成却怪貪夫常徇此既呼至  
寶敢相輕鑄凝未達真仙術空見煇人得意鳴

題宋悅研少宰潞河送別圖冊

急流能退古來難神武門前竟挂冠吳下幸留三

選



徑在畫中欲作兩疏看山思造極終無盡海到收  
帆始即安却喜白頭相過從桑麻情話共追歡

除夕喜雪

自入冬來日日晴歲除始見降祥霽天心特賜豐  
年瑞春意潛回爆竹聲曲奏落梅供燕樂詩吟飛  
絮鬪聰明錦幃羔酒非吾事頌罷椒花歲籥更

新正邀潘芝軒吳棣華吳霽人三狀元荒齋

小集即事成篇

歲籥初更百事安閑尋蔬筍薦春盤竹中開徑迎  
三益林下逢人有二難梅解衝寒花信早雪方獻

瑞酒懷寬偶然觴詠成嘉會賦就同心興未闌

並是中朝侍從官一時鄉里暫盤桓風清北道方

持節

棣華將赴清河道之任

日永南陔共采蘭

芝軒尚書藹人學士皆告

籍養在

五畝竹松甘自老三杯椒酒醉成歡行藏各

盡平生事留取芳華後進看

又和芝軒尚書韻

尚書地望本非常四海欽遲况一鄉却喜二豪曾

入室

棣華藹人皆下士

不辭三友共聯床杯盤偶設慚

麇羈車騎同來過草堂計日杏花消息近戴筐星

可見精芒



我有嘉賓集衆英。世人未免重科名。盍簪禮在山  
林簡。揚解春隨笑語生。輦下看花追昔款。路歧折  
柳繫今情。一篇詠就高軒過。卷曲蓬門埽雪迎。  
余秋室潘榕準兩先生。今歲皆重赴鹿鳴。佳  
宴詩以志賀。

賓筵重賦鹿鳴篇。海內耆英孰比肩。二老當今真  
大老。一年新進盡同年。升

朝並著文章業。傳世多留翰墨緣。官職科名等閒  
事。須知五福壽為先。

約玉松同年小集先期詩至即次原韻

素心客至不須催。雪裏蓬門向曉開。玉屑清談聽  
弗倦。錦囊佳語寄先來。尋梅早稅移春檻。翦韭同  
啣樂。聖杯遙想諸公方。衮衮幾人容易掛冠回。

復翁以菜心見餉賦詩奉謝

一把嘉蔬破曉臨。摘來葉葉是芳心。市人求益貪  
無謂。野老分甘喜不禁。士有高情閑處見。物留真  
味淡中尋。灌園敢道非吾事。學圃於今歲月深。

和答吳蕪山通守

老來智慮不如前。百事蹉跎為力綿。身世似萍隨  
水住。文章猶火待薪傳。逢場游戲憑竿木。安分生



選

涯守硯田知我生平惟有子他時詩譜屬編年

福兒俸滿入覲道出吳門詩以送之

一官忽滿十年期此去朝天到玉墀幸守清貧留  
舊德莫忘忠信負明時三盃且舉尊前酒兩卷交  
看別後詩若見諸公當說與東南民力近來疲  
客有以鸚鵡見貽者感而賦此

慧鳥能言世所珍携來吳會幾青春共誇文采堪  
驚俗自覺聰明已誤身非禮向人時喋喋知名特  
地喚頻頻欲離條鏡渾無策且啐金經了夙因

選

壬午除夕示兒孫

歲除最好是今年笑語尊前骨肉圓鵲語似傳春  
信喜松心自耐歲寒天敢求富貴常如願剩得聰  
明且著鞭清俸聚書三萬卷子孫能守即稱賢

凌波閣藏書  
三萬餘卷

元夕疊前韻

纔將椒酒慶迎年記取銀蟾此夕圓五夜呼燈堪  
替月一枚煎餅欲熏天及時樂事移花檻比屋春  
聲爆竹鞭風俗繁華何所貴不忘齋粥是名賢

尤春樊黃堯圃彭雅泉三子相招結問梅詩

社初集春樊齋中即和其韻



嘉會三人不速來問梅嬾赴白雲隈忘機共識淵  
魚樂得壽翻推社櫟才客似浮萍因水聚我携枯  
管祝花開相期風雅招同調俗士淫哇要別裁

春分日對雪

九十春光將過半六花飛灑塞空來積時偏壓新  
抽筍墮處還黏已落梅土潤及時如得雨天寒昨  
夜早聞雷東皇速遣陽和轉催取羣芳次第開

詠積善西院木蘭疊前韻

尋春奚止問梅來寶樹童童倚水隈地可避巖皆  
淨土樹非獨立總凡才依然舊雨三人聚恰喜重

雲一夕開載酒木蘭花下坐新詩欲繼陸生裁

春日園林

春日園林策杖行靜參物理可憐生定巢禽切安  
危想移檻花知聚散情一代文因風氣就百年事  
等電光明此身學得隨緣法蠖屈龍伸總不驚

彭雅泉太守邀集敏訥堂即和其韻

為聯耆舊假詩壇詩就還憑酒合歡吟草積成囊  
底錦釣竿早拂海中珊西山朝氣初迎爽東野秋  
心自耐寒稍覺尊盤太狼戾萬錢不稱腐儒餐

秋日書懷

選



陰陽消長化機呈。靜看時行悟物生。千樹著花皆有態。百蟲在草不同聲。人逢儉歲心常悒。山入新秋氣漸清。老我閉門無一事。衆生疾苦尚關情。

春日。和沈生寶未詩韻。

校書有客住芳園。節過中和氣漸暄。佳日鶯花如有約。閒門車馬不聞喧。清陰疑坐篔簹谷。綠意初生薜荔垣。春色撩人頻得句。誰云桃李本無言。自笑浮生拙似鴉。甘心寂寞厭繁華。一枝梅受山僧饋。萬卷書藏處士家。豈有文章高北斗。每嫌鼓吹近南衙。獨餘愛客心常在。竹下猶開小徑斜。

和答九生崧鎮疊前韻并簡春樊舍人

董生三歲不窺園。冬忘祁寒夏忘暄。飛鳥翩翩蘄遠到。鳴蛙閣閣厭早喧。擇交自許心如秤。談藝何嫌耳屬垣。終日著書聊遣興。敢云成就一家言。

窮達毋憑鵲與鴉。遂初闕閱本通華。彭宣入室成三益。程邈臨池是一家。生善八執業靜于僧起定。校書勤似吏趨衙。紫薇舊德分明在。佇看宮花壓帽斜。

春樊舍人見和前詩疊韻奉酬

偶學蘭成賦小園。素心人共耐寒暄。寄懷絲竹聊



排悶遁跡林泉欲避喧竹引惠風常掃徑花矜麗  
色故闌垣詩筒徃復如郵置不是危言即寓言  
久雨初晴噪曉鴉向陽百卉競芳華及門問字多  
才士結社吟詩集會家簾捲飛花時入座庭臚立  
石肖排衙賞春重約西園讌觴酌流行到日斜  
和春樊舍人亦園感舊之作四疊前韻園為

西堂先生故居

城東閒訪舊名園池館蕭條氣不暄羅雀門高冠  
蓋少賣花人近市塵喧游魚避客先潛渚嘉樹傳  
家尚在垣我正續成吳地志殘山賸水識前言

選

陰陰喬木亂飛鴉坐想榮枯感物華古壁塵凝蝸  
有跡空梁泥落燕無家堂楣尚奉

先皇字

鶴栖堂額為聖祖御筆

里閉仍呼太史衙試訪揖

青亭故址草間荒徑自橫斜

復翁知予有五柳園春日詩和章見贈因疊

韻奉酬

東風吹綠滿西園却畏春寒尚負暄屋類申公因  
樹置人如巢父厭瓢喧怕傷新竹斜通徑愛看遙  
山短築垣近為著書常閉戶知希我貴有成言  
月有蟾蜍日有鴉東西飛走促年華雜花小聚成



香市舊曲新翻付笛家每念開樽招社友絕勝聽  
鼓應官衙老來兄弟忘形迹詩草淋漓醉墨斜

和沈生寶未除夕送窮之作

鞭得聰明用不窮心耕舌織歲常豐管絃聊遣中  
年樂朝市非關大隱充欲貴無心求趙孟逐貧有  
賦繼揚雄書中縱說黃金在還仗同人贊欣功  
誰言東野是詩窮儒素寧論儉與豐愁仗酒兵時  
戰勝饑逢畫餅亦能充拈將健筆如神助佩得靈  
符辟鬼雄那有丈夫家食吉出門交友豈無功

甲申元旦和子婦慧文詩韻

不辭皓首抱遺經澹泊中間得靜寧又值羲和窮  
北陸弗忘胞與誦西銘時方有賑椒花獻歲回鄒  
律柳絮因風政謝庭却掃衙茅殊未易門前問字  
有車傳

西山掃墓路過畢尚書墳有感而作

覓得籃輿換盡橈春風拂面薄寒消梅林香奪梅  
檀氣松壑聲回大海潮古寺鳴鐘因自省野人炊  
黍競相邀道旁華表冲霄漢不及雲初已寂寥

送十一兒入山志感

荒蹊百折繞西峰華表仙禽不可蹤野渡無人空



繫艇深山藏寺。但聞鐘談禪欲證三生石。濟勝還  
尋九節筇。歎息童烏先不祿。一杯反仗老夫封。

與趙巽甫同過鶯脰湖作。即和趙韻。

桃花帶雨柳含烟。環繞明湖一鏡圓。有客行程問  
鶯脰。此鄉生計在魚筌。衰齡筋力尋芳倦。新霽峰  
巒潑翠鮮。指點鱸香亭下路。舊游已是十年前。

三月既盡園中牡丹盛開。集同社諸友小飲。

花間草堂即席成詠。

新霽園林穀雨天。坐花特地集羣賢。一叢艷奪芙  
蓉鏡。百和香生瑤瑁筵。吟賞幸同賓客樂。護持願

到子孫年。媿無才調青蓮似。草得清平第四篇。

和王簣山廉訪登周蓼洲先生讀書樓之作。

樓在小雲  
栖僧舍

忠介當年住此樓。使君車騎偶勾留。古賢儒行通  
於佛山郭。春寒氣似秋。物外閒雲心自賞。燼餘遺  
草手親杯。予於癸未歲曾與同  
人釀金刻公遺文祇緣今昔遭逢異  
龍比臯夔。道不謀。

擷芳亭看娑羅花和榕臯丈韻。

一簇花開剪素羅。主人好事客來過。靈山分種春  
風晚。此花來自天  
台雲頂峯道樹生香慧業多。幽室擷芳宜



靜對吟壇拈韻共賡歌。遙思雲頂峰頭路。仙境虛  
無費揣摩。

和答張襄女士即題錦槎軒詩稿

謝氏庭生玉樹枝。燃脂弄墨愛臨池。耽詩壓倒貞  
元士。讀畫常將造化師。五色卿雲凌若木。七襄文  
錦織冰絲。誰知風雅裒然在。猶是扶床學繡時。  
芳名三載久。心傾綵筆波。瀾竟老成慧。性賦從華  
藏。海辦香。應。在。玉。溪。生。清辭滿幅如飛雪。枯管無  
花可報瓊。幸得左家嬌女句。選樓直欲傲昭明。

夜至理安寺投宿

溪流不見但聞聲。路入松杉曲折行。荒草綠迷人  
跡少。密林紅露佛燈明。叩門犬識曾來客。對月山  
如不夜城。尋到風公薶骨處。豐碑漬雨蘚苔生。

自理安寺出山渡江

一別錢塘倏十春。重來魚鳥尚相親。出山泉水如  
隨我。夾道岩花亦昵人。霜落稻田豐有穫。潮回沙  
路淨無塵。扁舟直指西興去。客久知津不問津。

芥舟小集和復翁韻

壯歲心如駿馬馳。暮年偃蹇復何辭。同來南郭消  
寒會。正值東風入律時。園韭最宜羔並薦。堂花未



許蝶先窺詩人若問梅邊信雪裏纔開第一枝  
乙酉元旦疊前韻

雙丸日日向西馳老至催人不可辭感事每成今  
樂府問年忽到古稀時鴻飛頗笑張羅妾豹隱寧  
容執管窺一盞屠蘇先後飲酒籌親手折花枝

奉送王善舟明府之泰州新任即和留別詩

韻

誰與龔黃繼後塵吳民歌祝豈無因養成邨叅三  
年熟栽得潘花一縣春拔薤鞭絲留治譜登山臨  
水即詩人平生最喜桑麻事綠野催耕處處巡

鴻城赤緊四封遙治獄無分晝與宵明鏡在堂常  
皎皎良田除莠已寥寥愛才俊秀同鳧藻樂職中  
和協鳳簫萬物藉公均長養惠風披拂不鳴條  
偶值天灾積雨深周官保息守良箴窮簷早緩催  
科令儉歲尤勞撫字心此日吳儂安樂土他時召  
伯有棠陰朱公偏愛桐鄉好臨去還留白雪吟  
大江湧月影娟娟海上宰盆萬竈烟嘗井虞公遺  
舊德觀濤枚叔著新篇如蘭不少同心友多稼方  
逢大有年三載書升登上考一鞭春色待朝天

雪霽書懷

選



歲初日日遇陰霾積悶填曾不易排新霽喜看春  
雪淨晚晴彌愛夕陽佳消搖杖履三生福真率杯  
盤五老偕聞道淮民苦昏墊濟川心事敢忘懷

同學諸子攜尊過賞牡丹即事成篇

一叢穠豔冠芳辰載酒偕來問字人天近梅炎將  
藻夏節過穀雨惜餘春花招紅藥為同輩詩向青  
蓮步後塵綠筍朱櫻薦尊俎行厨風物及時新

初夏張詩塘明府招集分韻得天字

不晴不雨養花天相對茶蘼啟綺筵稍覺盃盤失  
真率儘多情話共纏綿林間布穀催耕急江上嘉

魚入饌鮮更過隣園看修竹山中長日信如年

詠園中三醉芙蓉

當年相見鏡臺旁自守孤根欲拒霜三變似未矜  
獨異一時與菊殿羣芳不辭寂寞臨秋水猶賸繁  
華向夕陽笑對花神耐尊酒小園十月駐春光

小園即事

喜遇清時作幸民衙門深閉靜囂塵幽花繞砌如  
依主馴雀窺窗不避人賸有閒情消日永略無機  
事損天真游魚活潑澄潭裏肯放漁童下釣綸

八月潮日彭詠莪孝廉邀至石湖舉行詩社



即事成篇

秋色平分日正佳清游同問水之涯滿湖煙雨銀  
蟾隱一路笙歌畫舫排地近上方香市集人如小  
阮竹林偕夜深忽聽山陽笛感舊詩成共愴懷同社  
黃子新亡故及之

和答姚春木即題其南埭草堂詩集後

紀羣兩世締交深往在西蜀與尊甫一老我重游  
翰墨林霜後黃花全晚節曲中白雪見冬心回思  
蜀道神常悸幸託殷郵信未沈今日草間甘伏處  
杜門不放俗塵侵

健筆高凌岱與嵩文心宛轉喻雕龍祇緣將母常  
甘藿肯為封侯更夢松幾度停雲空悵望一朝折  
簡忽過從自慙才似江淹盡難報詩仙錦繡胸

題澹雲和尚八十歲像

大事因緣豈外求靈山慧業自清修耳聾不落聲  
聞乘心淨先登般若舟水月光中瞻妙相松筠夢  
裏憶前遊和尚舊住京師松筠南宗今日推尊宿  
雪後蜚鴻爪印留

憶昔

憶昔西園百卉芳一枝紅艷占春光同心空奏房



中曲薰髓難尋海上方枯竹折殘終見節萎花吹  
墮尚餘香韶華轉瞬成陳迹楚客招魂欲斷腸

和吳蕪山通守澹遠樓之作

溪山秀色入吟毫詩品清華近謝陶攬勝似於  
仙窟住避器欲向醉鄉逃客來四海追歡便官  
領三江奏績高試擬元龍樓百尺一生湖海氣  
長豪

修到鴛鴦不羨仙劉綱夫婦各超然經營邱壑  
憑胸次舒卷雲烟在眼前宴坐常登歡喜地楔  
遊如在永和年聲名官職尋常事難得傳家有

寶田

公是公非久謬悠才人布政獨優游閑中飲酒  
從犀首画裏看山憶耒頭潘令幽居先卜宅武  
侯佳語特名樓公餘不忘書生業能讀三墳及

九邱

卅年踪跡五行藏離合悲歡亦備嘗歷井捫參  
經蜀道吟風弄月在江鄉軍門摩盾思三楚曲  
水流觴憶二王此日訟庭無一事催畊時節正  
停忙

浙水東西往復回循良聲譽滿温台分符巖邑



留棠蔭折獄虛堂仰鏡臺藥布社存群頌禱鄧  
收舡去獨低徊絳紗帷下談經日早識彭宣是  
雋才

保障由來異繭絲仰思蘇白自神馳湖山坐嘯  
非關傲階級頻遷不慮遲共識胸藏醫國術底  
須手辦買山貲我來聽徧與人誦正遇行臺考  
績時

芳園徧種四時花招我由教遠折麻酒買玉壺  
聊共賞詩成錦瑟不勝嗟惜予方閒情差比乘  
軒鶴急景還驚赴壑蛇欲與鍾鐸銘瑞室此間

賓至竟如家

仙郎彩筆志山栖襟帶蘇隄与白隄怕礙修篁  
穿徑曲愛看遠岫築垣低比鄰樵叟兼漁父侍  
史香東又墨西架上攤書三萬卷牙籤玉軸手

親題

賢勞王事少寧居偶向城南小結廬博物共推  
虞秘監緩刑獨契路温舒才方甯越知非易鑄  
到顏淵憲不如試問淳安諸父老至今傳誦救  
荒書

囊底經綸叩不窮翹然自異衆人中升高能賦



選

消清晝冷勝如歸。愜素衷。支笏蕭閒。迎爽氣。鼓琴和暢。引薰風。一花一石。皆詩境。莫必平泉說。衛公

登快閣

平湖一曲鏡奩明。小築仍題快閣名。在昔山靈能表異。至今詩境尚餘清。鳥從雲水空中過。月向煙嵐缺處生。攬勝不嫌歸路晚。滿街燈火入嚴城。

虎邱山塘觀競渡有感作

青山綠水帶卷阿。吳地銷金是此窩。愛月常疑天不夜。藝花常恨地無多。名倡炫色如穠李。小艇衝波捷似梭。方怪少年太行樂。豈容老子更婆娑。

新修白公祠成同人賦詩落之

卅載叢祠復繕完。昔賢曾向此盤桓。湖山嘯傲留陳跡。香火因緣締古歡。十笏蕭齋依佛剎。一灣流水悟文瀾。我來又結吟詩社。幸值同心真似蘭。



竹堂類稿卷十三下

七言律詩六

彭詠莪孝廉歸自京師作此貽之

清門文采世同欽。鑄就顏淵百鍊金。選共驚  
遺國士。一官尚喜在儒林。青山氣爽方支笏。白  
社緣深再盍簪。自古大才成必晚。歲寒松柏守  
初心。

詠庭前甘露花

池上西齋廣十尋。蕉花開處綠成陰。初無艷色  
堪娛目。幸有甘漿可沁心。妙墨最宜供作艸。修



爲何事苦相侵依稀記得王維畫萬葉紛披雪  
滿林

選

吳巢松學使沒於濟南訃至志感

運厄龍蛇信可哀耿蘭凶耗自東來傳家治譜  
廷評重名世文章士論推華表鶴隨丁令返武  
擔峯為任公顏山陽感舊尋常事却與  
皇家惜此才

選

韓桂舫司寇歸自京師賦此奉簡即訂展  
重陽之會

昔別方虞後會難今朝把臂又追歡酒逢佳節

應頻舉菊候歸人尚未殘風鶴警時常齒擊海  
帆收處覺心安光陰老至尤須惜請向詩壇賦  
考盤

集張蔣塘小書畫舫

維摩丈室儘娛懷奚必幽棲定畏佳米老書堂  
曾著錄歐公畫舫亦名齋謝庭寶樹三珠貴洛  
社耆英九老儕玉軸牙籤千萬卷悅生清秘總  
無涯

題鶴壽山堂畫卷即用舊題山堂詩韻

一庭花竹趣清幽客至開尊互唱酬画到草堂



選

思久住聚成詩卷異長留妙書共羨嵇中散  
恭公尚論常師馬少游識得隱居真樂處肯輸  
南面百城侯

歲暮感懷

東南水利是誰司萬眾流離困阻飢市義不逢  
彈缺客謀生已失播琴時監河貸粟憂難繼息  
壤塢流悔亦遲自夏徂秋將改歲斯民安土尚  
無期

丁亥正月初九日集春樊舍人延月舫是

日立春分韻得朝字賦七律一首

鳳歷剛逢第九朝祥犧和氣動春韶雪消積素  
滋萱草風送微青上柳條晚歲光陰應共惜新  
詩排比又開雕

玉師近報天山捷露布傳來萬里遙

花朝雨中至塢影園探梅

竹裏行厨載酒來春光好處共銜盃詩人合與  
名山壽花信還憑小雨催一樹冷香依佛刹四  
賢慧業總仙才今朝已慶群芳誕萬紫千紅次

第開

客至



晚年朋舊苦無多喜有嘉賓問澗阿首詩篇  
閑裏得一春花事醉中過屏間度曲拈紅豆座  
上分曹卷白波時世太平身老健逢場游戲莫  
蹉跎

元和何竹香大令以鮓魚見餉賦詩奉謝  
四月初交尚晚春鮓魚出水白如銀幸居江國  
烹鮮早頓使山厨入饌新將享乍穿青柳嫩却  
腥欲藉紫薑辛嘉魚詠罷思君子非比豬肝累  
故人

燈窓梧竹菑為梁蔭林方伯題

陶冶從來出性靈虛窓夜對一燈青乍開吳苑  
新詩境不忘蘇齊舊典型莊叟據梧神獨往王  
猷問竹轍曾停主持風雅賢人事桃李栽培又  
滿庭

翌日又雨

問柳尋花事已遲幽居排悶且吟詩鸛鳴兆雨  
真非妄鵲語占晴尚可疑雙屐衝泥過酒市一  
蓑臨水羨漁師欲知稼穡諮田父却道春霖養  
麥宜

和春樊清和遣興之作



選

行樂由來貴及時那堪風雨阻襜帷已孤靈運  
登山約且和淵明飲酒詩垂老光陰奔馬疾惜  
春心事杜鵑知紫薇自昔才人藪頗覺延之勝  
牧之

遣嫁么女漫成

謝庭小女可憐生一旦睽離欲遠行佳士乘龍  
差快意貧家牽犬未忘情花當婪尾春尤惜琴  
到么絃韻轉清從此向平婚嫁畢更無餘累動  
心旌

端午日偶成

江鄉風俗似荆湖士女傾城弔左徒角黍尚沿  
三戶制綵花聚作五時圖延齡試進菖蒲酒辟  
鬼爭黏霹靂符三十年前依  
禁近名香珍藥出  
天厨

夏日苦熱

芒種初過二麥登蘊隆太甚氣如蒸忝民夜集  
驚人夢鳩婦晨呼報日升嘗為蒼生望霖雨妄  
思赤脚踏層冰瀟湘煙水峨眉雪欲理前遊老  
不能



自笑

自笑浮生等繫匏。一廛小隱在蓬茅。青蘿引蔓緣高樹。紫燕將雛戀故巢。野處漁樵皆上客。貧居蔬筍即嘉肴。梁鴻性不因人熱。肯向風塵漫測交。

流水禪居放生作同會者十人

幽棲却埽閉柴門。繞屋垂楊映粉垣。十種仙人趨法畷。一池活水見禪源。萍間潑刺知魚樂。林外鉤輒聽鳥言。涵養生機本仁術。慈悲豈為福田存。

選

尤生扇頭見故友張船山遺墨感而有作  
黃鶴乘雲逝不還。空餘烟墨落人間。飲仙自愛酒泉郡。詩客相逢飯潁山。壽世長留才子業。生天應入列仙班。鍾期知我今安在。西望峨眉涕淚潛。

閏端陽

浴蘭采艾事恣恣。彈指光陰任化工。三歲餘分成閏位。一年佳節又天中。桐圭岐出知時異。蒲劍重抽辟鬼同。記取錦標曾奪處。龍舟再演弄潮童。



選

滄浪亭圖為梁茵林方伯題

孤亭高峙曲溪涯昔日曾經駐

翠華秋水碧連鄰墅竹晚霞紅映野田花山林

如画開生面風月論錢不待賒况有使君重文

獻懷賢稽古意常奢

時方議築吳中往哲祠於亭後故未白及之

韓氏聽秋桂舫春泉兄弟三人皆夫婦齊

眉每月會食一次并繪為圖因賦一律

伯霜仲雪尚肩隨梁孟齊眉亦可師魯國令妻

皆壽母杜陵驥子是佳兒鞠卮座上尊三老舞

綵堂前又一時却喜泮宮芹藻在重游欲與次

公期

予與桂舫司寇同歲入學此後六年即甲子一周矣

菊

秋到園林氣肅清此花生性得金精偶逢野叟

稱偕隱曾與騷人供落英釀酒聊充延壽藥寄

籬敢竊傲霜名自甘澹泊山中老陶後誰能更

識卿

秋夜讀書

十笏茆齋樂靜便小窓孤坐一燈然論文不解

充秦漢飲酒何妨禱聖賢竹影珊珊依白屋鶴

聲一一上青天縹緗千卷頻抽繹耄學渾忘禿



選

炷年

送孫子鳴壻暨少女歸金陵

纔向春風賦鵲巢片帆歸去趁秋濤尚平婚嫁  
從今畢孫武門楣待子高儒術詩書真可貴婦  
功并白必親操明年反馬雙雙至咫尺郵程莫  
憚勞

送董琴涵太守入都赴選

京國曾瞻御史廳郡符初剖在齊東暫歸竟息  
三年羽此去應乘萬里風昔日令名騰輦下他  
時惠政徧寰中帝心最重循良選特許蒼生借

寇公

詠瓶中梅花

名花莫作等閒看曾與幽人結古歡筆底冷香  
吟不盡燈前瘦影畫應難十分春色真無價一  
點芳心獨耐寒淨几明窓深護惜免教風雪遽  
摧殘

和梁荏林方伯滄浪亭之作

詩人香火有因緣似画溪山尚儼然此處名園  
真得地昔賢慧業定生天夔龍巢許千秋並時  
以吳地名賢政事文章一擔肩時見岑公來坐  
畫像刻石



嘯吟成好句總如仙

綠莎廳事近山林曲水滌洄繞碧岑十畝池園  
王宰画一篇風月醉翁吟種梅移竹添生趣考  
獻徵文見苦心聞道揮毫盡珠玉敢持布鼓繼  
雷音

選

汲雅山房對雪即席成詠呈同社諸公

老至情懷惜歲華常將矍鑠互相誇人逢佳日  
傾三雅天兆豐年散六花竹為羊求先闢徑燕  
知玉謝近移家消寒特設嘉平宴送臘迎春興  
倍加

題張友樵一丈黃棉窩

安樂名窩舊事存幽棲新築向南軒一輪日自  
扶桑出四座人如挾纊溫嘗為消寒留客醉也  
思獻曝答君恩我來得入維摩室坐對朝暉到  
夕暎

雪霽喜而有作

天上浮雲萬里同蕭然默坐自書空辟寒且覓  
椒花雨索句還思柳絮風爆竹震霄知歲暮飛  
蝗入地下年豐詰朝擁出黃棉襖頓覺春臺氣  
象融



道光戊子人日同社諸子集五柳園

滿城爆竹沸春聲鼎鼎年光靜裏更客到州堂  
多舊雨天逢人日正新晴燕毛列坐捐苛禮鴻  
爪留踪寄勝情同是梅花社中友空山重證歲  
寒盟

十四日集吳棣華廉訪池上草堂疊前韵  
一曲陽春有繼聲佳辰樽俎又重更試燈天好  
迎新月鮮組人歸袂晚晴奇石當軒多画意芳  
梅繞座助詩情相逢總是金閨彥應向騷壇迭  
主盟

元宵後一日陶雲汀中丞開宴平政堂即

席賦詩與同人疊其韻

風雅同傳正始聲賓筵坐久燭頻更衰年對酒  
渾忘老小雨催花未放晴變魯政成多暇日和  
陶詩就見開情苔岑共證三生契香火因緣有  
夙盟

喜聞官兵平定回疆

先皇神武定西陲坦坦夷途萬里馳錫貢頻來  
回紇馬銘功分植泮宮碑姦人樂禍生茅蘄上  
相專征震鼓鼙春夏屢傳好消息草間日望捷

陶為余督學湖  
南時所得士

選

時大學士長齡  
督師



老将指楊過春

旌旗

關西老将久知兵，統領貔貅出塞行。  
飲馬先尋戈壁水，因糧應就庫車城。

九重宵旰三軍系，百戰功勳一夕成。  
遙想天山最高處，重看衛霍又題名。

側聞露布到金門，報道生擒吐谷渾。  
早向旄頭籌秘策，肯容釜底縱游魂。  
元戎射竹知羌敗，贊普焚香識漢尊。  
從此狼隍仍衽席，太平烽火靖邊屯。

三韓子弟總趨桓，埽穴擒渠亦大難。  
羅網自投

天奪魄干戈，載戢士騰歡。  
勇夫獲醜，逾區脫番。  
將承恩，晉可汗。

聖主威靈純

祖武策勳詩，向百蠻刊

雨不絕

新年正苦愁霖久，入夏兼旬未放晴。  
淡日纔升旋復隱，濕雲方散又重生。  
稍憐庭竹衝泥茁，怕聽林鳩逐婦聲。  
懊惱一春花事了，那堪稼穡更關情。

初夏朱蘭友贊善招同人滄浪修禊



可園風景似郊垆。有客招攜鶴蓋停。贊善才名  
齊竹垞。滄浪契事擬蘭亭。當門曲水常凝碧。排  
闥平山競送青。七子賦詩都見志。他時同向草  
堂銘。

梁高士祠即簡菴林方伯

昔聞臯廡事流傳。今見叢祠設几筵。高士遠貽  
千載澤。菴林久誦五噫篇。結鄰且喜要離近。讀  
史兼知德耀賢。却羨使君能念祖。國人矜式自  
爭先。

池上偶成

門無剌喙幽栖僻。室有琴尊勝日長。老屋歲深  
滋薜荔。空潭水暖戲鴛鴦。半規新月鈎簾見。一  
勺微波洗硯香。却苦暮年朋舊少。獨支筇竹看  
斜陽。

寄題松江吳氏怡園即簡怡菴廣文

十畝芳園結構奇。幽人於此久栖遲。地多松石  
常相賞。室有琴書可自怡。俯仰天人三樂在。逍  
遙杖履四時宜。輞川合住王摩詰。收拾雲山畫  
與詩。

久聞桃李滿公門。問字人多壇坫尊。白傳耽詩



曾結社温公獨樂自名園鴻文有範真懸式學  
海無邊必討源三泐九峰才士藪一編珠玉集  
羣言

奉和三松潘丈重宴瓊林之作

瓊林高宴幾番更重觸槐黃舊日情南國衣冠  
尊謝傳東都几杖授桓榮烟霄久縱鳴皋鶴蕊  
榜還看出谷鶯真是壽人游壽寓容臺盛事助  
隆平

秋暮遊湖州道場山

欲訪伽藍到上方一聲磬響出雲房地逢佳士

成詩境

山有孫太初墓及挂瓢堂  
游者賦詩積至數百篇

天闢名山作

道場客路烟霞清入画僧厨蔬筍脆生香太初  
遺蛻知何處陳迹常留舊草堂

弁山白雀寺

望湖亭子入雲高攜杖登臨不憚勞白雀聽經  
留古剎青松夾道捲秋濤丹梯疊石攀躋險紺  
宇懸崖結構牢珍重兩楹蘇子帖風流太守本  
仙曹

選

潘氏鳳池園放生作贈主人公輔舍人

白飯青蔬味耐尋庖厨從此廢刀砧名園窈窕



含天趣公子慈悲抱佛心魚在靜流多樂意鳥  
歸深樹弄佳音蛸飛蠕動生機滿不使靈臺殺  
氣侵

王椒畦寄詩見懷依韻奉答

一紙新詩惠不虛苦無桃李報瓊瑤烟波百里  
懷人遠文史三冬惜歲餘性體金堅寧畏火生  
涯水到自成渠尚餘結習消難盡爰覓人間未  
見書

塵世榮觀原不久少年朋舊已無多田園耻為  
子孫計風月自成安樂窩每訝流光飛野馬漸  
看生意到庭柯起居新得神仙法脚踏回輪日  
幾摩

題女史汪允莊自然好學齋詩集即和其

自題詩韻

不妨巾幗附儒林一卷詩存正始音現出雲霞  
無定相養成松柏後凋心神娥淚洒湘中竹仙  
客魂歸海上琴學到自然去雕飾清風遙續謝  
家吟

題張書林八閩持節畚

同是金門侍從儔緣慳尚未識荊州鋒車銜



命三秋出玉尺量才一網收南國共推冰鑑朗  
西泠恰奉板輿游倚裳聯襪知何日聊綴蕪詞  
託遠郵

冬日漫成

霜氣嚴凝老不勝愛看晴日照觚稜早梅已報  
先春信殘菊真為耐久朋製就隱囊聊代几市  
來菽乳竟成冰消寒欲覓金盤露無奈兵厨酒  
價增

感事

朝為將相夕俘囚茵溷升沉豈自由仕宦加知

選

時滿漢大學士英和

戴均元二公同時獲

謹

人境險生全還仗

主恩稠鹽梅黃閣尊元老風雪青門嗒故侯世

上榮枯纔一瞬不如高枕卧林邱

韓桂舫司寇齋中作東坡生日倒押去年

詩韻

春風先到闔閭城坡老生朝襲舊名座上簪紳  
同慶喜畫中筮屐見分明百川東注才無敵一  
鶴南飛頌有聲却遇詩壇頻宴集消寒不負一  
冬晴

和答王椒畦



詩人心跡本雙清肯逐癡雲出岫行喜子平安  
隨竹報知予冷淡與梅盟鄭虔老學成三絕陶  
令閒居過一生笑指黃梁將熟候更無餘事問  
君平

集潘理齋齋中作消寒會分韻得燈字

花橋初聚盍簪朋皓首耽詩似杜陵愛客特陳  
穆生醴讀書常熟少卿燈飯炊白粲如翻雪饌  
薦黃魚乍負冰幾度消寒寒尚在轉疑繫日有  
長繩

張蔣塘大令輓詞

金石論交五十年知公慧業定生天常將孝友  
傳家法早挂衣冠謝俗緣言子愛人因學道維  
摩示疾尚安禪棠陰徧滿東西浙每聽輿謠一  
愴然

春日閒居雜興

行年七十四春秋彈指紅顏又白頭扶老且憑  
靈壽杖詠歸常作舞雩游金門待詔恩曾被劍  
閣銘功志未酬閱盡榮枯無定相始知身世本  
浮漚

風花升墮有何憑詎蕩天門喚不應漫說鳶肩

張素耽禪悅臨終  
之夕尚為淡雲和尚  
題遺照



宜日上空教馬齒與年增仕途艱似魚登竹世  
路危於鼠啣藤甚欲至心求大道其如暮景已  
飛騰

山林樂事本無邊風月平章歷歲年歲器久忘  
龜手藥達生愛讀馬蹄篇淵明垂暮仍耽酒夷  
甫安貧耻道錢常得擁書三萬軸不求卿相不  
求仙

枌榆結社集文豪真率詩篇擬謝陶梨實味甘  
供飮座梅花香冷助吟毫聞思時作非非想惜  
誦翻成反反騷最喜賞春賓客至殺雞為黍敢

辭勞

和三松老人紀

思詩

鼎鼎年光九十春松筠標格鶴精神評詩讀畫  
追風雅臨水登山契智仁卿月升霄天錫嘏壽  
星度世紀逢辰

紫泥三命

恩稠疊償盡平生未了因

神武門前久挂冠黃封重受

主恩寬溫公獨樂園林好菜子承歡杖履安一  
品衣香真是福三春日永不知寒壽名祿位今



全得如此榮觀亦大難

漫興

江鄉風景四時宜  
况值春人拾翠期  
新暖園林飛桔鞠  
晚晴庭院噪芻尼  
奚童克守王褒約  
爨媪能知白傅詩  
臨水登山如有侶  
老夫筋力未全衰

四月八日西湖泛舟和陳生小松韵

扁舟如在鏡奩中  
暖翠浮嵐色是空  
隨喜剛逢浴佛節  
詠歸還趁舞雩風  
長隄經雨春蕪碧  
古塢凌波夕照紅  
當日

六飛臨幸地湖山佳處有

行宮

游雲棲

十幅輕帆趁曉風  
招提遙在翠微中  
澄江似鏡千峰暎  
修竹如雲一徑通  
共說化城經劫火  
仍聞仙梵出禪宮  
蓮師特指西來路  
六字堅持萬法空

蓮池大師以念佛三昧接引鈍根人然非正法眼藏也

孤山謁林和靖祠堂

處士芳塵百世馨  
我來重叩草堂靈  
新春不負尋梅約  
舊蹟仍留放鶴亭  
松下長鏡斫黃獨  
堦



中久竹產青寧同人到此皆題壁欲繼鍾磔瑞  
室銘

新築金粟亭成詩以落之

瑤華小閣舊延薰新築虛亭遠俗氛坐對菊松  
陶處士畫成金粉李將軍綺窓映月安雲母紙  
障當風繪墨君知否幼輿栖息處一邱一壑古  
來聞

吳棟華廉使招飲於白公祠即餞高第堂

觀察之衡州次桂舫司寇詩韻

西山爽氣報新秋選勝登臨縱遠眸巖穴幽深

容散木江湖浩蕩有馴鷗丹邱似畫供吟賞清  
酒如泉恣拍浮却羨繡衣持斧客人人道是濟  
川舟

白公祠屋景清佳芳樹依簷水繞階百尺蒼崖

名玉帳一抔黃土葬金釵

祠近古  
真孃墓

逢場偶結杉

榆社招客偏逢瑤瑁齋檢點奚囊詩句滿山林  
引興本無涯是日彭葦間太守以齋期不赴

尚衣文公屬題觀瀑偈

妙相莊嚴入畫禪一邱一壑自天然欣瞻御月  
臨吳會時引薰風協舜絃白傅幽栖營履道衛



公嘉樹紀平泉太平黼黻

皇朝重佇看

恩光至日邊

出山即是在山泉心與清流結靜緣銀漢移來  
千尺雪玉龍飛下九重天行吟定有新詩好坐  
對能令俗慮蠲欲效徐凝聊點筆苦無佳語繼  
青蓮

詠香斗

碧空現出水精球熬盡沉檀小苑幽五夜新涼  
宜伴月三吳故事慶中秋辦香心可通蒼昊戴

斗人今已白頭兔走烏飛常並照燈筵獨向結

璘酬

靈檀一炷告蟾宮香火因緣在此中真覺氣如  
蘭麝貴爭教器與斗筭同氤氳差喜仙都近呼  
吸還祈帝座通別有清芬宜鼻觀小山叢桂正  
秋風

賦得鴻雁來四首

纔過秋社見歸鴻北去南來應候同健翮振時  
看乙乙遠音傳處聽雖雖萬重關塞經過慣八  
陣風雲布置工更有文章徵大塊階前小草著



霜紅

涼秋八月薄寒催有鳥隨陽入塞來曲度平沙  
空自賞名題古塔媿非才江湖遠舉逢鷗侶羅  
網輕投笑雉媒遙望衡峰青一角年年飛去復  
飛回

霜落平原萬寶成肯教中澤聽哀鳴秋江飛度  
渾無影夜渚驚呼競有聲飲啄關心賓主誼雲  
霄比翼弟兄情海邊游戲尋常事却使書人妙  
悟生

于陸于磐古所云肯隨凡鳥共紛紛歸期弗爽  
三秋信客路應乘萬里雲紫鷓去來常避面蒼  
鷹飛止豈同羣羽毛自愛為儀貴鵲噪鴉鳴總  
不聞

生日至虎跑泉僧舍避囂漫成一律

漫說登臨濟勝能須知馬齒又加增身開頰蠟  
游山屐年邁難求繫日絕品水自携龍井茗入  
門如遇虎溪僧歸途更訪真珠寺佳境由來得  
未曾

是日偕吳生兼山大兒同福飯於淨慈方

丈



四時最好是清秋閑艤蘭橈古渡頭地有湖山  
成勝迹僧能詩畫即名流謂松光人客因乘興題  
紅葉我亦忘機似白鷗却為生朝謝賓客齋厨  
蔬筍當晨羞

經故相章文簡公經雅山莊

荒涼臺榭尚崔巍相國風流不可追載酒客曾  
扶醉去愛花人又訪秋來雲歸塞北雁聲至木  
落淮南霜信催撫景懷賢無限意聊憑長笛寫  
餘哀

游表忠觀

錢王祠宇對平湖襟帶林泉入畫圖叢桂古香  
無俗艷殘碑舊刻勝新樵偏安伯業延亡宋高宗  
後身為錢武肅王不朽文章仰大蘇八百年來香  
火在可知遺愛在杉榆

題蔣青荃鷗天閣

間訪元卿吟望處一樓如畫對南屏滌泗水繞  
回欄碧窈窕窻迎列岫青無事雀羅當筵設有  
時鶴蓋到門停雨奇晴好無窮景憑仗風騷寫  
性靈

題王蓬心永州八景圖冊



瀟湘曲繞九疑阿此地曾經兩度過夢裡雲山  
空想像畫中巖壑儘蒐羅熊羆巖嶺疊千尋翠鈿  
鉤潭容一勺波却羨婁東王太守胸藏邱壑勝  
情多

憶秦淮水榭

畫中樓閣鏡中天江左風華在眼前桃葉最宜  
三月雨楊枝猶帶六朝烟綠溪酒肆多燈火比  
屋人家習管絃況值秦淮春水漲當門時繫賣  
魚船

冬至後二日集汲雅山館

歲歲消寒聚列星畫堂尊俎薦芳馨書雲節後  
天猶暖行馬門前轍並停爛煮蝮魚同禁鬻徐  
傾秫酒輔頽齡大賢為政多閒暇閒到梅花幾  
度經

是日廉使葆公  
在座故及之

王叔畦博士作畫卷并詩見寄依韻答之

故人契濶動經年老健聞如地上仙沈約郊居  
無俗慮杜陵詩派有真傳三生杵臼徵情好一  
紙雲山入畫禪遙想草廬春信早梅花飛雪柳  
含烟

消寒分韻得冬字



關門冠蓋數過從真率杯盤媿不恭客似竹溪  
聯六逸詩成梅社恰三冬久晴天氣寒仍燠如  
水交情淡勝濃疎影暗香消息近西山佳處好  
扶筇

和答廉使葆公

蓬華蕭閒長碧苔崇朝車馬客偕來但愁毳飯  
無兼味不厭新詩讀百回一室悟言清晝永兩  
行歸騎夕陽催他時檢點奚囊句都付青緗署  
問梅

延月舫慶東坡生日和春樊主人韻

不學楞嚴十種仙文章壽世勝長年奎垣想見  
英靈在薇省傳來翰墨妍是日方伯梁公考古  
座中論赤壁負暄窓下愛黃綿即看香火因緣  
久始信人情即是田

題婁子柔畫東坡笠屐即和幘首周紫芝

詩韻

文采風流仰大蘇笑他章蔡是庸奴雨中笠屐  
真堪畫海上風濤亦可娛身似神仙常散誕心  
經憂患益廉隅紫芝評跋婁堅筆嘉話于今視  
此畫



己丑除夕

野老雖貧樂自如，終朝足不出吾廬。治生欲講  
樊須學，稽古還鑽倚相書。歲稔餘糧尚棲畝，春  
回喜氣已充閭。桃符爆竹殷勤覓，忘却衰年日  
月除。

庚寅元旦

斗柄東回到攝提，耆年人似夕陽西。春盤又薦  
元修菜，夜室仍然太乙藜。  
楓陛朝元尋舊夢，桃符辟祟換新題。一尊兒女  
屠蘇酒，賺得衰翁醉似泥。

立春日吳鑑菴招飲賦詩奉謝并簡令弟

棣華

江國春回慶履端，三冬已過不知寒。耄年食肉  
寧嫌鄙，賢主開樽必盡歡。律轉東風迎燕喜，書  
來南海報平安。是日令子有伯霜仲雪如花萼  
弗負鄉人說二難。

庭前種梅

營就菟裘老此身，小山花木又成薪。重教鋤月  
移瓊樹，頗似量珠聘玉人。香海飄來千點雪，芳  
園添得十分春。和羹事業為虛願，且與逋仙步



後塵

韓桂舫司寇招集還讀齋賞梅即以盆梅

二字分韵得七律二首

花到芳梅品最尊  
蕭齋清供恰宜盆  
冷香紙帳侵詩夢  
瘦影紗窗印月痕  
行樂無煩吹玉笛  
賞春有分倒金樽  
百花頭上花先發  
總出東皇雨露恩

非關驛使遠傳來  
樂府新翻一剪梅  
有客折枝催羯鼓  
何年分種自瑤臺  
巡簷常索詩人笑  
調鼎還思宰相扣  
如此芳華應護惜  
忍教狼藉在

塵埃

小雲棲

閒訪城西開士家  
幽棲地僻靜無譁  
三間小閣纔容膝  
一樹寒梅正著花  
鐘撞白雲尋舊句  
甌翻綠雪試新茶  
當年忠介親題榜  
贏得山僧向客誇

明時

寺門

小雲棲

三字

周順昌

所題



竹堂類稿卷

七言律詩七

園中海棠盛開有感而作

香國曾逢絕世姿故園重見繫人思移來西府  
無雙品開向東風又一時弗假詩篇徵杜甫判  
將繪事託徐熙天桃穠李皆凡豔清韵天狀合  
讓伊

鍾伯敬一門画冊為梁蓮林方伯題

世人但識竟陵詩誰料詩人亦画師水墨遽成  
鑿病藥煙雲原是養生資

伯敬自跋云病中  
作此遂忘其疾



芝嘉耦同千古花萼聯枝聚一時先後因緣在  
閩海毓林韵事說來奇

漫成

萬里風雲願已乖肯將世憲苦縈懷畏人欲作  
蜘蛛隱愛物回持玳瑁齋宋玉閑情思郢曲莊  
周志怪述齊諧縱云不得文章力消遣光陰亦  
復佳

生平獨學苦無朋老至衰殘百不能稍覺癡心  
胸次少却看宣髮鬢邊增家饒松菊娛元亮地  
產蕪鱸慰季鷹手勸縹緗三萬卷子孫若个是

傳燈

身世真如一羽輕隨緣馬用不平鳴攤書享盡  
生前福把酒強如死後名思怨兩忘機事少炎  
涼徧歷道心萌編年詩州後頭莫已閱春秋第  
七庚

題韓司寇種梅畝

聘得瑤華似玉人清泉白石共橫陳曾經官閣  
吟詩賞又向蕭齋索笑巡客至畫同蘭具味年  
高尚賽鶴精神虎頭素擅生花筆倩為瓊姿一  
寫真



韓蘄王碑

宋室南遷洛社亡中興大將數蘄王一杯冢土  
留荒野百尺豐碑峙夕陽靖難功名懸日月避  
賢心迹表清涼靈巖山色蒼茫裡讀罷遺文自  
感傷

題梁茝林方伯庚申雅集畫卷

賢者交游芥與鍼風流儒雅盡人欽樽開北海  
頻投轄盞繪西園慶盍簪舊事鴻飛猶印雪古  
歡苔異絲同岑丹青不讓龍眠筆勝迹留傳直  
到今

與桂舫司寇訂問梅詩社一百集之約

問梅結社八春秋弄月吟風百度周故土園林  
容寄傲中年絲竹藉消愁詩壇舊艸聯行卷樂  
府新聲問主謳總為龍門勤接引人爭願識  
荊州

吳生靜軒招飲萍香榭留題一律

精舍三楹枕水涯綠楊遙映画闌斜最宜仙侶  
吟詩地恰近中山賣酒家百盞明燈真替月一  
林小兩不妨花主人愛客情無極有約重來玩  
月華



和法螺僧奕山之作

昔訪維摩丈室中  
入林遙見遙佛燈  
紅空山說法  
臚頑石野徑尋詩  
愛晚紅坐臥雪香  
成小隱經營土木仗  
神工黃花翠竹安  
禪地百折泉聲聽  
不窮

喜雪

鴉鵲無聲風滿林  
開窗處是瑤琳  
到逢四海迎春日  
早慰三農望歲心  
乍訝天花飛繞座  
漸看簷溜滴成簪  
衰翁稍覺寒威逼  
兌得芳醪手自斟

辛卯元旦作

春到山中處士家  
歲朝瑞日絢雲霞  
門題吉語三多福  
雪兆豐年六出花  
爆竹比鄰聲斷續  
芳梅繞座影橫斜  
元亭問字人猶夥  
肯負明窓舊絳紗

清明後一日集養真齋分韻得都字

春陰遊賞興全無  
幸有良朋德不孤  
山墅乍晴鳩喚婦  
社辰已過燕將雛  
洗兵兩霽天容淨  
時聞西師布穀禽  
啼物候符江令  
自憐才盡久強攜  
枯管賦吳都



辛卯上巳集滄浪亭修禊分韻得如字  
積雨滄浪水滿渠重修禊事到精廬頻來客似  
尋巢燕偕隱人如縱壑魚春在百花對上巳詩  
成七子擬黃初題名若仿蘭亭例我是吳門石  
執如

彭葦間太守招集網師園分韻得微字

名園春色正芳菲庭宇清幽卉木腓曲水鏡明  
花四照空梁巢定燕雙飛問梅共詡新詩富看  
竹還思舊兩稀對此勾留欲忘反歸途不覺夕  
陽微

和兼山扇頭詩韻

不作公卿不學仙但求閑適度餘年衣冠自古  
推吳地水玉逢人說晉賢幸得林泉同嘯傲沈  
兼香火有因緣邯鄲一夢須臾事冷眼觀時輒  
粲然

詩筆清於賈浪仙儘多風月伴流年幽栖地似  
平泉好偕隱人如德耀賢花命升沉原有數萍  
踪離合總隨緣燕居幸得同聲侶每讀新篇一  
快然

寄題朱野雲涵秋閣并謝見一畝之賜



不見朱公二十年忽承芳訊日邊傳身居陶氏  
三層閣地近城南尺五天野養閒雲成素志江  
涵秋影著新篇白頭後會知難得聊結日緣在  
画禪

和荅女婿孫子鳴

早識興公是雋才雙二反馬入門來女蘿百歲  
依松柏寶樹千尋出草萊舊德衆稱徐孺子新  
詩人比賀方回父書能讀楹間在王謝芳聲世  
共推

逸園觀龍燈与榛華兼山同作

六街方試上元燈晏衍魚龍此地興仗有寶珠  
先引導縱無尺木亦飛騰經過雀市光明現行  
近鼇山氣象增祇是尋常游戲事也教人說偃  
師能

和兼山春日漫興之作

老學菴前問陸游卜居依倚古城幽山中偕隱  
駟黃犢海上忘機狎白鷗濟勝尚能移杖屨追  
歡不厭錯觥籌小窗久坐潭忘反遙見天西月  
一鉤

開府園林画不如

吳所居係慕天  
顏中丞故宅

伊人於此結



精廬行厨客踐尋花約學圃家藏種樹書在昔  
鍾磔銘瑞室即今潘岳賦間居宦遊難得歸田  
早清福由來說兩疏

感事

鳥飛兔走各西東安說薰蕕臭味同蓮社可宜  
容謝客竹林區耐著玉戎人言結契雲霞上我  
恥爭光魑魅中愴絕山陽夜深笛誰從壩畔問  
黃公

吳棟華六十壽

公才公望本崧生循吏醇儒兩著名華國文章

登上第戴筮星宿近長庚人如永祚歸田早世  
謂于公治獄平天許夔龍住邱壑端知清福屬  
清卿

和魚山詠地鈴

斫得秋筠翠不凋製成奇器任譁囂微軀行地  
周旋久妙手牽絲發絃驕鑿空自能諧律呂飛  
聲直可達雲霄鶴鈴天外遙相和一種清音聽  
轉調

原是淇園舊長成虛心勁節見平生也隨鉄馬  
日風響却趁花磚似鏡平協律不輸吹竹巧談



機直等轉蓬輕回旋終日無停趾博得旁人說  
善鳴

兼山招集逸園作詩見示依韵答之

一曲芳池清且淪往來魚鳥自相親種梅脩到  
三生福對酒平分四座春放雀心儀林處士采  
蘭詩和鄭風人當年同是勞客此日衡茆得  
養真

四月二日邀謝山榭華兼山集五柳園賞

牡丹即席賦呈

一叢紅豔占芳辰穀雨經過已浹旬座對名花

如貴客家藏醇酒待嘉賓聚來香色風光晚閱  
畫簾華鬢雪新誰似青蓮才調好解將詞賦惜  
餘春

題兼山逸園并賀得孫之喜

忽聞平子賦歸田覓得林泉地自偏十畝山池  
忘市近一園花竹得春先七擒七縱閒風月三  
沐三熏古睨賢況值充閣多喜氣從茲瓜瓞地  
綿：

宦海收帆我獨先君今解組亦言還棄孤幸叶  
熊羆夢湯餅應開玳瑁筵庭列菊松榮晚節家



傳經史當良田自今杖履過從便補盡平生未了緣

秋中喜兩作

山川滌滌有哀吟上帝屯膏懼正深忽尔九淵

龍奮起居狀三日兩成霖共傳

程主祈天疏

今歲親製祭文

上行大雩禮

青躬請命

不負窮黎

望歲心政在養民從古說先知稼穡是良歲

秋聲舫与蕙山話舊

少年豪氣吐長虹鵬翼思培萬里風  
龐統有才非百里孟嘉無命到三公  
人言官職聲名折我

選

道禁華夢幻同塵世雞蟲爭得失那知天外有蜚鴻

生日自壽

季秋逢閏吾初度今歲歸餘又值茲  
蓬天乘孤思往事犀錢玉果紀前期  
如科進士同年少七品卑官拙官宜  
七十七齡彈指頃自憐虛過

醒明時

重九日虎邱登高和彭詠我舍人詩韵

此生事業已蹉跎空憶虞廷九敘歌  
佛刹逃禪逢祭可詩壇同調有羊何  
吳都賦裡青山近郢



客聲中白雪多羨介鳳皇池上客尚留清夢在  
雲蘿

東坡生日集五柳園

衣冠一隊集茅堂敬為蘇公舉壽觴莫歎生辰  
在磨蝎須知奎宿近文昂石經南海風濤險詩  
蘊東山翰墨香是日陳設坡公筵像費規及謝東墅先生手批十家注蘇詩  
同是當時讀書客有誰勺水奠舒王

翩：筵屐貌如生名士風流物外清歲：薦新  
成故事人：懷古抱幽情筵壽筵仍許三蕉奠  
文苑爭傳八賦名曾向峨嵋山下過至今艸木

有餘馨

借園集同人作消寒會

消寒重聚在城東聯襪擠裳鶴髮翁延月偏逢  
生魄後問梅仍在借園中讀書窗映琉璃白濕  
酒醺然楮枮紅怕似杜陵作詩苦新篇漫與不  
求工

癸丑元旦作

遙望天衢五色雲日邊佳氣正氤氲林喧鵲語  
占新喜盤頰柀花補舊文律轉東風春信動兵  
銷南海捷書聞客冬臺灣蠢動之信却虞暮景飛騰今得卒定之



速愛惜光陰及寸分

春窗遣興

畧透宗門第一禪  
飢時喫飯倦時眠  
淡交自覓忘機客  
老健聊娛禿炷年  
柳市聽鷓詩鼓吹  
花間撲蝶夢回緣  
榮枯歷盡知常事  
却怪靈均欲問天

朱蘭友招集滄浪亭觀魚處即事成詠

滄浪一曲碧連淪  
佳日招携此問津  
靈雨應時晴更好  
少年同學老彌親  
當筵侑酒傳吟草  
臨檻觀魚屏釣輪  
如此溪山如此客  
那知人世有

風塵

逸園賞雪即席偶成

一年又是歲寒時  
兩雪連綿穡事遲  
幽徑苔封塵不到  
空山梅信鵲先知  
十千且允餘杭酒  
六一曾傳禁體詩  
漫羨袁安高卧好  
萬家煙火費支持

中秋方慶黍稌多  
霑雨兼旬叵奈何  
但見浮雲常蔽日  
况聞滄海欲揚波  
鴻飛中澤無安土  
雀噪空倉失舊窠  
幾輩仁人在高位  
可能調變轉陽和



金石論交臭味親今朝對酒獨傷神依然開徑  
迎三益忽念登高少一人廣廈虛懸孺子榻歡  
場誰繼謝公塵元亭竒字分明在感舊詩成淚  
滿中

治平寺追和徐侯齋先生詩韻

維摩丈室對明湖左右峰巒入畫圖花徑客來  
春日永竹房僧定夜燈孤談空欲証三生石扶  
老思尋九節蒲却憶雪床故居士長留秀句在  
勾吳

風動人日招桂舫司寇棹華廉使蘭友宮贊暨

吳生兼山尤生榕疇集花間草堂

十笏虛堂面小池年々人日此題詩倚裳聯襪  
平生願野看菽小看儉歲宜偕老但期人壽考  
救荒還仗佛慈悲但邀七日天心復弗慮陽和  
有布德遲

疊前韵答兼山

庾家老屋半山池一叟頽然自詠詩耕硯尚憑  
稽古力行齋最与食貧宜賞春随地修花史感  
遇由人說酒悲草長鶯飛三月暮江南才語讓  
邱遲



和標華人日詩韵

司空亭子号三休客到皆如馬少游扶老幸留  
印杖在忘機欲与海鷗傳詩哀舊州加刑潤酒  
出新芻恣拍浮誰道救荒無善策但能集腋便  
成裘

韓桂舫司寇輓章

六十年来杵臼盟忽聞凶問頓心驚鄴侯一品  
神仙骨秦失三號故舊情涑水官成安獨樂太  
邱道廣見平生篋中鄭重詩千首轉覺封侯萬  
戶輕

春日病咳作

衰年肺病事尋常懶向龍宮覓禁方都恐冷風  
侵禦寇且留元氣護文康三餐蔬筍存真味一  
室梅檀有妙香如此燕居良不惡底須計校到  
彭殤

初夏坐需丘白公祠水榭偶成

白公祠枕碧溪隈洒掃軒窗絕點埃僧舍飯香  
留客住鄰園竹色過牆來井尋陸羽煎茶水石  
紀生公說法臺都為昔賢醉吟地無人不向此  
低徊



觀象棋作

清簾疎簾坐隱同  
枯碁四八競雌雄  
兩家對敵分疆畛  
一著爭先在折衝  
二士比肩惟翊主  
五兵越境助成功  
神機元妙原無定  
局外人常勝局中

潘芝軒相國以紀

恩詩索和即次元

韻奉報

四十春秋侍玉墀  
明良一德信無疑  
傳家善行邀天眷  
華國文章結主知  
黃閣調元成郅治  
蒼生待澤望鴻慈  
幸逢光舜當陽日

良弼生來自應期

國是民依一擔肩  
平生聞善即拳拳  
金甌協卜承休命  
玉尺量才助化權  
密勿九重誠不貳  
指揮七萃績無前  
義漿仁粟周州里  
共說高門有象賢

又白對雪悶坐

暮景飛騰捷若奔  
年饑無策濟元元  
綈袍竟質長生庫  
蓋篋金全傾不動尊  
一曲素琴消白日  
三盃濁酒侑黃昏  
六街輿馬紛如織  
雪裡袁安獨閉門



和吳棹華庶使人日之作

身躋大臺徼天幸歲獲豐年愛物華嘉會正宜  
文事飲春風先到吉人家山林知閨占桐葉聞  
閣消寒面杏花白髮主賓猶鬥酒商量觴政笑  
言譁

徐謝山輓詞

文章門第大方家才調如公舉世誇老學胸藏  
九經庫閒情手植四時花周郎顧曲頻知誤并  
重讐書善辨差我自夫君長別後問奇無地可  
停車

和梁莖林方伯應

召入都之作

曾送歸航載石輕故鄉鷗鷺許同盟非關俗士  
多西笑忽聽詩人賦北征自守清風酬素志仍  
看霖雨到蒼生寇公倘準吳儂借重見金閣駐  
旆旌

帝念勞臣持名還此行車馬又間關棠陰依舊  
人爭頌花甲初周鬢未斑直以無欺孚主  
德定知有喜動天顏魏公晚節今番著佇  
聽聲華重斗山

韓聽秋輓詞



總角交游海內稀雲龍久逐忽分飛佛心自證  
三生果仙骨終投一品衣蘇晉清齋忘世味左  
丘貞疾息塵機文人慧業都成道定向靈山好  
雲歸

八十生辰作

浮生條到杖朝辰彈指光陰捷轉輪嶺上閒雲  
常自悅山中小草亦知春竊桃方朔渾忘老辭  
粟原思不患貧靈鵲今年頻報喜三番湯餅會  
嘉賓

平生飲啄但隨緣不慕公卿不羨仙安隱總叨

天錫福耄期竟與佛齊年有心種竹思鑿俗無  
事銜盃學避賢

先帝賜衣猶在笥當時曾染御鑪煙

自問於人百不如故將獨學署吾廬食貧甘比  
空倉雀嗜古真成老蠹魚習靜身居宏景閣養  
生手寫伯陽書願留清白貽孫子長守箴瓢樂  
有餘

三世斑衣繞戶庭泥聞子舍又添丁一家自守  
青箱業廿載空談絳帳經客為懸弧投吉語婦  
思采菊制頽齡新涼尚有閑燈火還向詩書更



乞靈

再疊前韵

秋深正值我生辰八十流年屈指輪五畝自安  
同綠野萬金難買是青春每師莊叟談齊物恥  
效揚雄賦逐貧奚取國人皆曰可須知名乃實  
之賓

生世多逢翰墨緣由來達士勝頑仙井鮒緹壑  
方知樂野鶴鳴率不紀年采藥欲尋蓬島侶問  
梅時聚竹林賢回思宦轍經行地攬徧齊州九  
點煙

家徒四壁類相如尚幸先人有敝廬壯志蹉跎  
悲櫪馬生機活潑羨淵魚花間傾耳聽仙梵松  
下科頭讀道書暮景飛騰應自惜不辭清課趁  
三餘

春風桃李滿門庭且喜朋來少白丁壯歲談兵  
窺秘策晚年佞佛寫遺經讀書日久知三昧推  
命人多祝九齡卅載煙霞蚤成癖無煩移櫬問  
山靈

三疊前韵

一尊旨酒對佳辰門外多停長者輪人世百年



渾似客秋花五色艷於春老僧贈藥稱延壽大  
府貽金意饋貧却喜伶倫能解事當筵齊唱集  
賢賓

敢說身無富貴緣兩番陪從玉堂仙著書便是  
長生訣納稼劉逢大有年道在四維宗魯叟詩  
探三昧祖唐賢心除煩惱因知足吏不催租爨  
有煙

訪得群芳補二如千花百卉繞蓬廬避人唯恐  
妨猿鶴識字粗能辨魯魚對客曾無驚座語傳  
家但有納楹書茲辰不敢稱初度只為生年在

閨餘

當年解組反家庭知命初過歲在丁書擁百城  
半親校山尊五岳四曾經徵歌安異同人樂學  
易還思帝假齡嗟自釣天遷謫後更無位業附  
真靈

四疊前韻

文昌上應列星辰幾輩能扶大雅輪炙輶爭傳  
齊贅辨舞雩高詠魯狂春雄才妄迹三端利儉  
腹常虞一字貧擬勸君苗焚筆硯免教辛苦費  
龍賓



文士常多香火緣何須海上更求仙  
離騷自紀庚寅日磨蝎偏逢丙子年  
嗜酒共推元亮達逃禪不礙樂天賢  
先民歷：堪私泚燕盡沉檀一炷煙

閒唸金經悟六如端知天地是蘧廬  
仕途共羨乘軒鶴宦海寧容上竹魚  
楚國競思孫州策漢廷曾錄賈生書  
文章漫說薪傳火大抵前人已唾餘

芙蓉城本是仙庭主者相傳石與丁  
松下行齋修白業山中抱璞著丹經  
但聞聖教周三界稀見人生滿百齡  
我有延年真訣在此心不昧即虛靈







